



類函 百七九



三百九四一五穀
三百九五二五穀

13
427
179



門 4 3
新
卷



新嘉坡圖書館

此係
冊八
月廿
悼山
郎君
所購
以贈

新嘉坡圖書館



淵鑑類函卷三百九十四

五穀部一

穀

稌

黍

稷

粱

禾

稻

穀一

增

說文曰穀續也百穀總名 格物總論曰穀種之美

者也其為種也不一攷之前載有言三穀者粱稻菽是
也有言五穀者麻黍稷麥菽是也有言六穀者稻黍稷
粱麥菽是也有言九穀者稷秫黍稻麻大小豆小麥
是也有言百穀者又包舉三穀各二十種者為六十蔬
果之實助穀各二十是也蓋人食之則飽不再食則飢
未有不資以為生也然不種則不生不時則不獲故古

者重穀而務農焉種以時而生以時耕以時而獲以時
 人事盡焉地利盡焉天時應焉苗而秀秀而實昔春而
 種者子粒耳秋而收者萬顆也昔春而入土者升斗耳
 秋而登場者倉箱也國與民俱足獨不在此乎故聖王
 必貴五穀而賤金玉 易曰日月麗乎天百穀草木麗
 乎土 詩曰既霑既足生我百穀 又曰播厥百穀既
 庭且碩曾孫是若 **原**周禮曰職方氏掌天下之圖辨
 邦國都鄙九穀之數揚州荊州其穀宜稻豫州并州宜
 五種黍稷菽青州宜稻麥兗州宜四種黍稷雍州冀州
 宜黍稷幽州宜三種黍稷 又曰太宰九職任萬民

曰三農生九穀

增

又曰凡王之饔食用六穀

稻黍稷

菽彫

又曰疾醫以五味五穀五藥養其病

月令曰

孟春天子乃以元日祈穀於上帝孟夏驅獸無害五穀
 孟秋農乃登穀天子嘗新先薦寢廟 王制曰五穀不
 熟不鬻於市 樂記曰夫古者天地順而四時當民有
 德而五穀昌疾疹不作而無妖祥德盛而教尊五穀時
 熟然後賞之以樂 **原**左傳曰小國之仰大國如百穀
 之仰膏雨 穀梁傳曰一穀不升曰歉二穀不升曰饑
 三穀不升曰饑四穀不升曰荒五穀不升曰大侵大侵
 則君食不兼味臺榭不塗廷道不除百官布而不制鬼

神禱而不祠五穀皆熟為有年爾雅曰中有岱嶽五穀魚鹽生焉穀不熟為饑仍饑為薦禮斗威儀曰君乘木而王則草木豐茂嘉穀並生也春秋繁露曰金干土則五穀傷土千金則五穀不成春秋左助期曰咸池主五穀周書曰凡禾麥居東方黍居南方稻居中央粟居西方菽居北方大戴禮曰食氣者神明而壽食穀者智慧而巧不食者不死夏小正曰三月祈麥實者五穀之先也故以急祈而祀之者也漢孔鮒小爾雅曰藁謂之稈稈謂之芻生曰穀謂之粒山海經曰都廣之野百穀自生冬夏播琴

注曰其城方三百里蓋天地之中素

女所出也播琴猶播殖

增漢書晁錯曰粟米布帛生於地長於

時聚於力數石之重中人弗勝不為奸邪所利一日弗得而饑至是故明君貴五穀而賤金玉荆州記曰淮陽郡西北接萊陽縣有溫泉其下流百里恒資以灌溉常十二月一日種至明年三月新穀便登重種一年三熟管子曰常山之東河汝之間早生而晚殺五穀之所蕃熟也師曠曰杏多實不蟲者來年秋善五木者五穀之先欲知五穀但視五木擇其木盛者來年益種之范子計然曰五穀者萬民之命國之重寶也是故無道之君及無道之民皆不能積其盛有餘之時以待

五穀部

開監頁

穀

其衰不足也 淮南子曰木勝土土勝水水勝火火勝

金金勝木故禾春生秋死禾木也菽夏生冬死菽火也麥秋

生夏死麥金也蕎冬生仲夏死蕎水也又曰女夷鼓歌女夷

天帝之女也以司天和以長百穀禽獸草木孟夏之月以

熟穀禾雉鳩長鳴為帝候歲 星經曰八穀八星在五

車北主黍稷稻粱麻菽麥烏麻星明則俱熟 京房易

逆刻曰天雨穀歲大熟 揚雄方言曰凡以火乾五穀

之類出自山東齊楚以往曰熬隴冀以往曰僣秦晉之

間曰熬 楊泉物理論曰穀氣勝元氣其人肥而不壽

養性之術常使穀氣少則病不生矣梁者黍稷之總名

稻者漑種之總名菽者眾豆之總名三穀各二十種為

六十蔬果之實助穀各二十凡為百穀故詩曰播厥百

穀者穀種眾種之大名也 兵書曰軍中地生五穀將

軍得天道大吉 論衡曰謂天雨穀從天而下應變而

生非也夫雲出於山散而為雨人見從天墜謂天雨水

也夏日則雨冬寒則凝為雪發於丘山不從天降明矣

穀從地起與疾風俱飄零於地人謂之天雨也 世要

論曰學不勤則不知道耕不力則不得穀 博物志曰

鴈食粟則翼垂不能飛馬食穀則足重不能行 又曰

扶海洲上有草焉名曰師其實食之如大麥從七月稔

熟民斂獲至冬乃訖名曰自然穀或禹餘糧一夢書曰
五穀為財飲食物夢見穀得財吉五穀入家家當盛
東京賦曰所貴惟賢所寶惟穀 曹植謝賜穀表曰詔
書念臣經用不足以船河邸閣穀五千斛賜臣 謝元
書曰糧穀十斛是釣池上之所種 杜甫策曰穀者所
以阜俗康時聚人守位者也下至十室之邑必有千鍾
之藏苟凶穰以之貴賤失度雖封丞相而猶困侯大農
而謂何 又曰穀者百姓之本百役皆出

穀一

增大戴禮曰黃帝播百穀草木節用水火財物生而民

得其利百年民畏其神百年亡而民用其教百年故曰
三百年 賈誼書曰神農嘗百草之實察鹹苦之味教
民食穀 史記曰黃帝考定星曆立五行民神易業敬
而不黷故神降之嘉生 嘉穀也 又曰黃帝蒸五穀 左
傳曰夫郊祀后稷以祈農事故啓蟄而郊郊而後耕
史記曰齊桓公欲封禪管仲曰今鳳凰麒麟不來嘉穀
不生而蓬蒿藜莠茂鴟梟數至而欲封禪母乃不可乎
左傳曰秦伯之弟鍼謂趙文子曰鍼聞之國無道年
穀和熟天贊之也鮮不五稔 王肅喪服要記曰昔者
魯哀公祖載其父孔子問曰寧設五穀囊乎公曰不也

五穀囊者起伯夷叔齊不食周粟而餓死首陽山恐魂之飢故作五穀囊吾父食味含哺而死何用此為孔叢子曰魏王問子慎曰寡人聞昔上天神異后稷而為之下嘉穀周以遂興往中山之地無故有穀非人所為云天雨之反以亡國何也答曰天雖至神自古及今未聞其下穀與人也詩美后稷大能教民善種穀以利天下所謂稷降播種農殖嘉穀其義一也若中山之穀妖怪之事非所謂天祥也史記曰留侯性多病即導引不食穀桓譚新論曰世俗咸言漢文帝澤加黎庶穀至石數錢述異記曰漢宣帝時江淮饑饉人相食天

雨穀三日尋魏地秦亡穀二千頃博物志曰孝元竟寧元年南陽陽山郡雨穀小者如黍粟而青黑味苦大者如米豆而赤黃味如麥下三日生根葉壯如大豆初生時表宏漢記曰赤眉亂後關中大饑黃金一斤易五升穀風俗通曰牛乃耕農之本百姓所仰為用最大國家之為強弱也建武之初軍役亟動牛亦損耗農業頗廢米石萬錢天愛斯民扶助聖主事有徵應於是旅穀彌望野薊被山東觀漢記曰建武二年天下野穀旅生麻菽尤盛又曰建武初穀食尚少趙孝得穀炊將熟令弟禮夫妻出比還孝夫妻共蔬食茹菜禮夫

妻來輒獨飴之積久禮心疑恠後伺掩見亦不復肯出
兄弟怡怡鄉里歸德 論衡曰建武三十一年陳留雨
穀蔽地視穀形如米而黑此夷狄地所生穀也夷狄不
食穀生於草野成熟委於地遭疾風飛穀集中國中國
見之謂天雨穀 華嶠後漢書曰馬援在河西有穀數
萬斛乃歎曰凡殖財者貴以施也否則守錢虜耳 東
觀漢記曰永平十五年上欲征匈奴與竇固等議出兵
調度皆以為塞外草美馬不須穀按軍出塞無穀馬故
事馬防言當與穀上曰何以言之防對曰宣宗時五將
出征案其奏言匈奴候騎得漢矢見其中有粟知漢兵

出以故引去以是言之馬當與穀上善其用意微綴即
下調馬穀防遂見親也 述異記曰吳桓王時金陵雨
五穀於貧民家富民家則不雨 魏志曰袁渙字曜卿
為魏國郎中令及卒太祖為之流涕賜穀二千斛一教
以太倉穀千斛賜郎中令家一教以垣下穀千斛與曜
卿家外不解其意教曰以太倉穀者官法也垣下穀者
親舊也 又曰自遭荒亂率乏糧穀曹公曰夫定國之
術在於強兵足食秦人以急農兼天下孝武以屯田定
西域此先世之良式也是歲乃募民屯田許下得穀百
萬斛於是郡縣置田官所在積穀 又高堂隆曰祿賜

穀帛人主之所以惠養吏民而為之司命若令有廢是奪其命 又曰甄皇后三歲失父後天下兵亂饑饉百姓皆賣金銀珠玉寶物時后家大有儲穀頗以買之后年十餘歲白母曰今世亂而多買寶物匹夫無罪懷璧為罪左右皆飢乏不如以穀賑給親族鄰里廣為恩惠舉稱善 年祐別傳曰祐周行賊境七百餘里往反四十餘日刈賊穀以為軍糧皆計頃畝送絹還直使如穀價 王隱晉書曰鄧攸為吳郡太守吳人饑荒攸輒出臺倉穀賑之後被劾攸曰善不可為也 異苑曰涼州張駿時天雨五穀殖之悉生因名為天麥 三國典略

曰後梁有何山者其射之妙人莫能及有鳥巢於庭樹蕭簷惡之謂山曰射中者賜一車穀其鳥雛並於枝上山曰脫一箭中兩請賜兩車臣無車牛願官為送簷許之於是山射中其兩項簷甚欣悅即令載穀送之 後魏書韋珍遷顯武將軍郢州刺史在州有聲績朝廷嘉之遷龍驤副軍賜驊騮二匹帛五十五匹穀三百斛珍乃名集州內孤貧者謂之曰天子以我能撫綏故賜以穀帛吾何敢獨當遂以所賜悉分與之 北史曰盧義僖寬和畏慎不妄交遊性情儉素不營財利少時幽州頗遭水旱先有數萬石穀貸人義僖以年穀不熟乃燔

其契州閭悅其恩德雖居顯位每至困乏麥飯蔬食欣然甘之唐書曰長壽二年元日大雪其夜質明而晴上謂侍臣曰俗云元日有雪則百穀豐未知此語有何故實文昌右丞姚壽對曰汜勝書云雪是五穀之精以其汁和種則年穀大穰又宋孝武帝大明五年元日降雪以為嘉瑞上曰朕臨御萬方心存百姓如得年登豐稔此即可為大瑞雖麟鳳亦何用焉唐孫憲北夢瑣言曰相國韋公宙善治生積稻如坻皆為滯穗大中初除廣州節度使宣宗以番禺珠翠之地垂貪泉之戒京兆從容奏對曰江陵莊積穀尚有七十堆固無所貪宣

宗曰此可謂之足穀翁也

穀三

原九穀 五種 周禮曰廩人掌九穀以待匪頒賜稍

事耦耕 嘉生 豐成 張九齡今百穀嘉生乃急於事

今歲關中之地百穀豐成京尹及諸縣令以救農人國寶

民天 穀惟國寶食乃民天 熾茂 阜康 劉仁軌曰

下詳穀一杜甫策 不登 不愛 州刺史徙鄧州明年

四月澤潦獨君賈所治有年言諸充羨蒲虞二州民就

食其境太宗下詔勞之曰去年關內六州穀不登餼糧

少令拆民房遂食聞刺史與百姓識朕此懷務相安養

禮義興行海內之人皆為兄弟變澆薄之風 獻生

朕顧何憂已 地不受寶致百穀之豐穰

五穀部 開監頤頤卷三百九十四 穀

九

殍死唐史李泌請以二月朔為中和節民間以青囊盛
負嶺轉餉艱難每饑人輒俾死宙韋宙永州刺史州
始築常平倉積穀羨餘以待之商以米至踊貴傷農
賤穀或請抑其價盧坦曰所部地狹穀來自他州若值
道曰天下雖豐百姓濟否穀星穀賊管于曰田中
道曰穀貴餓農穀賤傷農穀星穀賊管于曰田中
有木者謂生穀種穀博民於生穀也漢食貨志
之穀賊必雜五仰膏雨待匪頒見上九穀注
曰種穀必雜五仰膏雨待匪頒見上九穀注
種以備災害神農殖種穀博民於生穀也
炎帝播神農殖種穀博民於生穀也
下也甘雨以播百穀殖五穀
時百穀蕃殖播百穀殖五穀舜典
子能殖五穀問幾何患不足莫文
故祀以爲禱問幾何患不足莫文
幾何勃謝不知又問左丞相平曰各有主播
者陛下問錢穀責治粟內史下詳穀一播

百穀 所寶惟穀 百穀用成 五穀不滋

穀四

原 謳 魏曹植魏德論謳曰於穆聖皇仁暢惠渥辭獻減

膳以服鰥獨和氣致祥時雨滲漉野草萌變化成嘉穀

原 啓 梁元帝上穀充軍糧啓曰臣聞金城千仞必資守

粟革車千乘其在饋實願武車綏旌列飛鴻之行陳奉

辭受賑揜鷲獸於羆虎賈逵渠水雖曰難蹤梁習勸農

竊知自勉

增 制 宋胡錡擬常熟縣開國侯穀實進封常熟縣開國

公制曰慶有年而介福久疏分井之封播考績以陟明

五穀部

增製

穀

爰進植圭之秩乃曠奏艱之惠載推報本之恩常熟縣開國侯穀實學深種植仁熟滋培一日無食則飢司命之本三代處農而教為道之原其和足名陰陽之和其貴能賤金玉之貴行師則藉之輓粟徹疆則資之峙糧持常平使者之權視時登損佐地官司徒之職待國調頒爰即侯疆就陞公爵於戲歲月日時無易而用明朕已建九疇之範水火金木惟修而永賴爾其序萬世之功益勵後圖嗣有華寵

增表宋胡錡代穀實謝表曰八政之疇曰食粗喜屢豐九井之田為公誤叨進秩增畬錫寵擊壤知恩伏念臣

函直無竒竦揚有覲勿正勿忘勿助幸免振苗實稟實發實堅僅能維秬顧何修而何飾蒙載柞以載芟天子元日而祈於郊至勤聖駕冢宰杪歲而制其用亦費廟謨偶六穗之告登而三農之胥慶遽超榮於品祿仍加衍於戶租不稼而困祇負素餐之愧奏艱而粒實歸教藝之仁茲蓋恭遇皇帝陛下心應形聲化調風雨正德惟和惟敘舜厚其生休徵用乂用成禹敷其福異畝遂生於同穎靡田不挺於稠華雖已誇狼戾之秋或慮有鷓形之歲獎職方而任貢升廩氏以司儲猥令燕黍之微亦被周禾之命臣敢不茂加播植益務滋生八月獲

十月場力課服田之事九年耕三年食誓殫憂國之忠

種浸種附

原 司稼辨周禮曰司稼辨種稷之種周知其名辨五物

舍人懸禮記曰舍人懸種稷之種以供皇后 誕降

詩曰降嘉種 知名見 九等見 五種見 穀 用火用

按輕脆音乎照反用言 備災漢書必雜五 假種

漢帝紀漢從貧民至徒所 糞種周禮曰凡糞種辨

填壤用糜湯澤用鹿糞渴用粗勃壤用狐填壚用豕體

藥用黃拔驛赤土剛強也赤纒縹色音地夷反渴澤故

苗稼

種之曰稼斂之曰穡 周禮曰稻人掌稼下地 又

曰司稼掌巡邦野之稼辨種陸之種周知其民與其所

宜地以為法 韓愈送李愿序曰盤之土惟子之稼

原 秀實為稼 在野曰稼文並說 曾孫之稼 同生之

苗成王 如茨如梁 是刈是穫 不稂不莠 既堅

既好 先雨耕耘管子 如雲之稼 千耦其耘 別苗

莠列疏邀邀密 五稼 國稼實莠 有莠若苗之

不秀苗而不秀 離離山上 揜揜詩穫之

禾一

原 說文曰禾嘉穀也以二月而種八月始熟得時之中

五穀部

耕種類

苗稼

禾

十一

故謂之禾此其義也 增廣雅曰稌稻其穗謂之禾

原詩曰十月納禾稼 增又曰禾易長畝終善且有

春秋運斗樞曰旋星明則嘉禾液 春秋感精符曰日

下淪於地則嘉禾興 原孝經援神契曰德下至地則

嘉禾生 山海經曰崑崙墟上有木禾禾長五尋 增

後漢書王符論曰夫養稂莠者傷禾稼患奸宄者賊良

人 六韜曰王好田獵則歲多大風禾穀不實 管子

曰苗始其少也煦煦乎孺子也其壯也莊莊乎其士也

至其成也由由乎茲勉何其君子也天下得之則安不

得則危故命之曰禾此可比於君子之德矣 師曠占

術曰杏多實不蟲來年秋禾善 莊子曰鹵莽而種之

禾亦鹵莽而報之滅裂而耨之禾亦滅裂而報之 呂

氏春秋曰飯之美者元山之禾 呂覽曰禾之患不俱

生而俱死先生者美米後生者為粃是故其耨也長其

兄而去其弟 又曰得時之禾長稠而穗大本而莖殺

疏穢而穗大其粟圓而薄糠其米多沃而食之彊如此

者不風先時者莖葉帶芒以短衡穗鉅而芳奪秔米而

不香後時者莖葉帶芒而衡穗闊而青零多粃而不滿

淮南子曰后稷辟土墾草而不能使禾冬生 又曰

洛水輕利而宜禾 夢書曰禾稼為財田之所出夢見

禾稼吉財氣生 白虎通曰德至於地則嘉禾生嘉禾者大禾也汜勝之書曰種禾無期因地為時三月榆莢時雨高地強土可種薄田不能糞者以原蠶矢雜禾種之則禾不蟲 崔實四民月令曰三月二日可種種禾廣志曰渠禾蔓生實如葵子米粉白如麩為饘粥牛食之肥六月種九月熟感禾扶疎生實似大麥楊禾實似萑粒細也折右炊停即牙生此中國已禾木稷也大禾高丈餘子如小豆出粟特國 孔帖曰天竺國禾之長者沒橐它

禾二

書序曰唐叔得禾異畝同穎獻諸天子王命歸周公於東作歸禾 史記曰管仲說桓公曰古之封禪者北里之禾所以為盛 蘇林注曰北里地名也 左傳曰鄭祭足帥師取成周之禾 **增** 淮南子曰夫子見禾之三變 夫子孔子也 變始於粟粟生 苗苗成於穗也 滔滔然曰狐鄉丘而死我其首禾乎穗垂而向根君子不忘本也 漢書曰董仲舒曰春秋他穀不書至於麥禾不成則書之以見聖人於五穀最重麥與禾 漢書曰王莽篡位與神仙事種五色禾於殿中各順其方煮二十餘物漬種言此黃帝穀仙之術又曰莽使中郎平憲誘美還云天下太平一禾長丈餘

五穀部

五穀部

禾

故乞內屬 續漢書曰承宮字少子琅琊人常在蒙陰山中耕種禾黍臨熟人認之宮便推與而去由是發名也 **原**東觀漢記曰光武生於濟陽縣是歲有嘉禾一莖九穗 又曰淳于恭有盜刈恭禾者恭見之念其愧因自伏草中盜去乃起 古今注曰和帝元年嘉禾生濟陰城陽一莖九穗安帝延光二年嘉禾生九真百五六十本七百六十八穗 **增**鄭康成別傳曰康年十六號曰神童民有獻嘉禾者欲表府文辭鄙略康為改作又著頌一篇侯高其才為脩冠禮焉 後漢書曰蔡茂初在廣漢夢坐太極殿上有三穗禾茂跳取之得其中

穗輒復失之

原吳志曰赤烏七年宛陵言嘉禾生

又曰會稽言嘉禾生改年為嘉禾 又曰三年由卷縣

野稻自牛改為禾興縣 晉書曰郭翻字長翔欲墾萊

田先立表經年無主乃作將熟人認禾悉與之縣令聞

之將稻還翻翻不受 **增**又曰庾袞居貧禾熟獲者已

畢而採摺尚多袞乃引其羣子以退曰待其間及其摺

也不曲行不旁掇跪而把之則亦大獲又與邑人入拾

橡分夷險序長幼推易居難禮無違者 臧榮緒晉書

曰朱冲字臣容躬植禾菽蔬鄰牛侵犯持芻送牛而無

恨色 **原**晉起居注曰武帝世嘉禾三生元帝世嘉禾

三生其莖七穗 **晉**中興徵祥說曰王者德盛則嘉禾生仁卉出義熙十三年鞏縣民宋曜於田中獲嘉禾九穗同本九穗九州是時羌平六合寧 **會稽典錄**曰沈勳身自耕耘以供衣食人有盜獲其禾勳見而避之明日更收拾送致其家盜者愧懼齎還不受 **續搜神記**曰廬陵巴丘人周冕者世以田作為業年常田數十頃家漸富晉太元初秋收已過獲刈都畢明旦至田禾悉復滿湛然如先即便更獲盈倉於此遂巨富 **北史**曰趙肅授原州總管司馬在道夜行其左右馬逸入田中暴人禾輒駐馬待明訪禾主酬直而去 **大業拾遺**

錄曰七年九月太原郡有獻禾一本三穗長八尺穗長三尺五寸大尺圍芒穗皆紫色鮮明可愛有老人年八十餘以素木匣盛之賜物三十段勅授嘉禾縣令 **唐書**曰朔方節度郭子儀言寧朔縣界荒地廣十五里有黑禾穀出遍地每日附近百姓掃盡經宿還生前後可得五六千石其禾圓實味甘美臣以為天啓興王先瑞百穀故漢稱雨粟周頌來麩豈若瑞禾自出家給人足蓋陛下富教安人務農敦本光復社稷康濟黎元之應也 **又**曰代宗為皇太子乾元初上降誕豫州奏百姓李氏有嘉禾生及是冊禮特詔改名豫 **又**曰永泰元

年秋京兆府上言鄂縣嘉禾生穗長一尺餘穗上粒重
 疊如連珠 又曰馬燧大曆四年為懷州刺史乘兵亂
 後其夏大旱人失耕種燧乃務教化將吏有父母者燧
 輒造之施敬收瘞暴骨去其煩苛至秋田中生穗禾人
 頗便之稽音呂禾 又曰元和中東川觀察使潘孟陽
 上言龍州武安川中嘉禾生有麟食之復生麟之來一
 鹿引之羣鹿隨焉光華不可正視畫工就圖之并嘉禾
 一兩以獻 金五行志曰大定二十四年正月真定進
 嘉禾二本異畝同穎 又曰興定元年七月大社壇產
 嘉禾一莖十五穗 元本紀曰世祖至元四年太原進

嘉禾二本異畝同穎

禾三

原 靈稼 嘉穀 曹植社頌曰靈稼阿那
 魏舒後魏書曰許謙字元遜代人也子洛陽為鴈門太
 守家田三生嘉禾皆異隴合穎 春秋說題辭曰嘉禾
 之滋莖長五尺五穗以成盛德 六穗 三苗 虞預會稽
 故連莖三十五穗以成盛德 六穗 三苗 尚書大傳
 承遷吳郡督郵歲穫嘉禾六穗生於部屬 尚書大傳
 曰成王時有苗異莖而生同為一穗大幾盈車長充廂
 人有上之者王名周公而問之公曰三苗為一 銜滋
 穰抑天下其和為一乎果有越裳氏重譯而來 銜滋
 吐秀 春秋說題辭曰禾為名也 鄭氏婚禮謁文贊曰嘉
 禾為穀班祿是宜吐 充廂 實野 董仲舒
 秀五七乃名為嘉 北里 西山 董仲舒
 於野粟郵於倉皆 北里 西山 董仲舒
 奇怪非人意者也 北里 西山 董仲舒
 五穀 崇監類函卷三百九十四 十七

與丹 照九阿 齊萬畝 阮籍詩曰垂穎臨曾城餘光
禾 蓋隴百穢不生 乃登 盡起 七月禾乃登社頌曰秀吐
起 離離 禾 黍 禾 役 禾 黍 禾 黍

習 天時 天地之時 田 穰 無害我田 隴 畝 杜甫詩 縱
鉏 犁 禾 生 隴 遺 秉 言 彼 有 遺 秉 之 禾 把 也 無 禾 春 秋
無 東 西 遺 秉 言 彼 有 遺 秉 之 禾 把 也 無 禾 春 秋

麥 最 腴 李 翰 屯 田 頌 曰 嘉 禾 一 穰 江 淮 為 之 康 嘉 禾
茗 穎 劉 禹 錫 畬 田 行 曰 蒼 蒼 玉 山 禾 韓 愈 詩 曰 飢
元 山 禾 昌 氏 春 秋 一 禾 一 禾

禾 五

原 謳 魏 曹 植 魏 德 論 謳 曰 猗 猗 嘉 禾 惟 穀 之 精 其 洪 盈

箱 協 穗 殊 莖 昔 生 周 朝 今 植 魏 庭 獻 之 廟 堂 以 昭 祖 靈

原 贊 宋 孝 武 帝 清 暑 殿 農 嘉 禾 贊 曰 維 殷 粵 周 有 穗 表
禎 祥 乎 合 矣 超 瑞 高 慶 非 原 非 澤 乃 瑞 乃 靈 庶 藉 天 貺
廣 茲 化 清

增 表 柳 宗 元 賀 表 曰 植 物 知 仁 祥 圖 應 聖 豐 稔 既 均 知
朝 方 之 被 澤 休 嘉 克 叶 見 天 地 之 和 同 六 穗 慚 稱 於 漢
臣 異 畝 恥 書 於 周 典

稻 一 秬 附

增 楊 泉 物 理 論 曰 稻 者 既 種 之 總 名 梁 者 黍 稷 之 總 名

菽者衆豆之總名 **原**禮記曰祭宗廟之禮稻曰嘉蔬

爾雅曰稌稻也 說文曰秠稷之粘者也 又曰秠

粘粟也 崔豹古今注曰稻之粘者為秠禾之粘者為

黍 廣志曰秠有赤有白有胡秠早熟及麥 養生要

集曰秠米味酸 **李**時珍曰秠即梁米粟米之粘者

分赤白黃三色 正字通曰秠稷粟也北人呼黃稷亦

名黃米 **原**周禮地官稻人掌稼下地澤草所生種之

芒種 芒種稻 周禮夏官職方氏曰揚州宜稻青州宜

麥 **禮**月令曰季秋之月天子乃以犬嘗稻先薦寢廟

左傳曰邠人藉稻 履行之也 春秋說題辭曰稻之為言

藉也稻冬含水盛其德也故稻太陰精含水漸洳乃能

化也江旁多稻固其宜也 孝經援神契曰汚泉宜稻

淮南子曰江水肥而宜稻 又曰稻生於水而不能

生於湍瀨之流 又曰籬稻先熟而農夫耨之 稻米隨

為籬與稻相似 **原**抱朴子南海晉安九熟之稻 而生者 蔡

邕月令章句曰十月獲稻人君嘗其先熟故在九月熟

者謂之半夏稻 異物志曰交趾一歲再種 郭義恭

廣志曰蟬鳴稻七月熟稻有蓋下白正月種五月獲獲

其莖根復生九月復熟青芋稻六月熟累子稻白漠稻

七月熟此三種大且長三枚長一寸半 又廣志曰有

洪金卷之三十一
虎掌稻紫芒稻赤穠稻白米稻南方有蟬鳴稻北狄
傳渤海俗所居者曰盧城之稻西域摩揭陀有異稻
巨粒號供大人米天竺稻歲四熟博物志曰海陵
縣扶江接海多麋獸十千為羣掘食草根其處成泥名
糜畷民人隨此略種稻不耕而獲其收百倍風土記
曰穰穀之紫莖穰稻之有青穰米皆青白者也徐暢
祭記曰舊種稻熟常用九月九日薦稻大汜勝之書曰
稻種春凍解時耕反其土種稻區不欲大大則水深淺
不遍冬至後百十日可種稻地美者用種畝四畝
俞益期箋曰交趾稻再熟而草深耕種收穀薄雲南

記曰雅州榮經縣土田歲輸稻米隨畝五斗其穀精好
每一斗穀近得米一斗炊之甚香滑微似稻味崔實
四民月令曰三月多種秔稻養生要集曰秔稻屬也
稻亦秔之總名也道家方藥有用稻米秔米此則是兩
物也稻米粒白如霜味苦主溫服之令人多瘦無肥膚
秔米味甘主利臟長肌膚好顏色稻已割而復抽曰
稻孫六書曰稻性宜水亦有同類而陸種者謂之陸
稻記曰煎醢加於陸稻上今謂之曰於稜南方自六月
至九月獲北方地寒十月乃獲左思魏都賦曰清流
之西出御稻又吳都賦曰國秔再熟之稻鄉貢八蠶

之棉 盧毓冀州論曰河內好稻 安成記曰安成郡
毛亭三十里田疇膏腴厥稻馨香飯若凝脂

稻二

增述異記曰夏禹時天雨稻 吳越春秋曰越王勾踐
復興師伐吳王吳敗晝馳夜走三日三夕腹餒口飢顧
得生稻而食之顧左右曰此何名也對曰是生稻也吳
王曰是公孫聖所言不得火食走億惶也 國語曰越
敗吳王孫雄請和范蠡不聽雄曰子范子先人有言曰
毋助天為虐助天為虐不祥今吾稻蟹不遺種子將助
天為虐不忌其不祥乎 國策曰東周欲為稻西周不

下水東周患之蘇子往見西周之君曰君之謀過矣今
不下水所以富東周也今其民皆種麥無他種矣君若
欲害之不若一為下水以病其所種下水東周必為種
稻而復奪之若是則東周之民可令一仰西周而受命
於君矣 呂覽曰史起為鄴令民大得其利相與歌之
曰鄴有聖今為史公決漳水今灌鄴旁終古斥鹵兮生
稻梁 拾遺記曰宣帝地節元年樂浪之東有背明之
國來貢其方物言其鄉在扶桑之東見日出於西方其
國昏昏常暗宜種百穀名曰融澤方三千里五穀方二
千里五穀皆良食之後天而死有浹日之稻種之十旬

而熟有翻形稻食者死而更生天而有壽有明清稻食者延年有清腸稻食一粒歷年不飢有和靈稻言寒者食之則溫熱者食之則體冷莖多白 東觀漢記曰劉敞拜廬江都尉歲餘遭旱行縣人持稻皆枯吏強責租敞應曰太守事也載枯稻至太守所酒數行以語太守太守曰無有敞以枯稻示之太守曰都尉事也敞怒叱太守曰鼠何敢爾也 原江表傳曰孫亮五鳳元年交趾稗草化為稻 吳志曰鍾離牧字子升會稽山陰人少居永興自墾田種稻二十餘畝臨熟而縣民認之牧曰本自田荒故墾之耳遂以稻與縣民縣長召民繫獄

欲繩以法牧請之長曰君自行義事僕為民主當以法率下牧曰此是郡界緣君意顧來暫住今以少稻率此民何必復留 增晉書曰杜預修郤信臣遺跡激用澧清諸水以浸稻田萬餘頃分疆刊石使有定分公私同利眾庶賴之號曰杜父 世說曰晉簡文見田中稻苗不識問人是何草左右答曰是稻簡文歸三日不出云寧有得其末不識其本 陶侃見人持一把未熟稻問何用曰行道所見輒取之侃怒其戲賊人稻鞭之困 原會稽典錄曰夏香有盜刈稻者香助收之盜者慚送以還香香不受 增宋書曰顧觀好學年六七歲家貧

父使田中驅雀觀作黃雀賦而歸雀食稻過半父怒欲
撻之見賦乃止 齊書曰范雲常從文惠太子幸東田
觀穫稻文惠顧謂雲曰刈此甚快雲曰三時之務亦甚
勤勞願殿下知稼穡之艱難無徇一朝之宴逸也文惠
改容謝之 南史曰孔琇之有吏能仕齊為吳令有小
兒年十歲偷割鄰家稻一束琇之付獄按罪或諫之琇
之曰十歲便為盜長大何所不為縣中皆震肅 梁書
曰鄧元起嘗至其西沮田舍有沙門造之乞元起有稻
幾二千斛悉以施之時人稱其有大度 又曰陳伯之
濟陰睢陵人也年十三四好著獺皮冠帶刺刀候鄰里

稻熟輒偷刈之嘗為田主所見呵之曰楚子莫動伯之
曰君稻幸熟取一擔何若田主將執之因拔刀而進曰
楚子定何如田主皆反走徐擔稻而歸 隋書曰梁陳
五壇祭法以三牲首餘以骨體薦粢盛為六飯粳以敦
稻以牟黃粱以簋白粱以簋黍以瑚粢以琏 又曰齊
孝昭皇建中平州刺史嵇暕建議開幽州督亢舊陂長
城左右營屯歲收稻粟數十萬石北境以得周贍 唐
書曰開元十九年楊州奏穰生稻二百一十五頃再熟
稻一千八百頃其粒與常稻無異 又曰孟元陽為曲
環軍中大將環使董作西華屯元陽盛夏芒履立稻田

中須役者退而後就舍故其田歲無不稔軍中足食
唐地理志曰滄洲本魯城乾符元年生野稻水穀十餘
頃燕魏飢民就食之 北夢瑣言曰都會間有運大筆
如椽或於稻粒上寫七言一絕歷歷可愛 續仙傳曰
唐謝元卿遇神仙設龍睛稻 洛陽伽藍記曰西方佛
沙伏國有昔尸毗王倉庫為火所燒其粳米燦然於今
猶在若服一粒永無瘡患彼國人民須以為藥 雜俎
曰鄴都稻名重思其米如石榴子粒稍大味如菱亦以
上獻仙官杜瓊作重思賦曰霏霏春暮翠矣重思靈氣
交被嘉穀應時 國朝會要曰大中祥符五年遣使福

建取占城禾分給江淮兩浙漕并作種法令擇民田之
高者分給種之

稻三

原九熟 再種 上詳稻一抱朴子 青稊 並詳
下詳揚子異物志 紫莖 稻一

風十 半夏 一旬 上詳稻一蔡邕月令章句 旬而生也 拾遺

紫芒 赤穰 並詳稻一廣志 青芋 白莖 上詳稻一廣志
下詳稻二拾

記遺

稻四

原薦稻 一詳稻 嘗稻 一詳稻 藉稻 一詳稻 遺種 二詳稻

十月獲 詩十月 斤鹵生 詳稻一古歌 增黃墳 管子
曰終古斤鹵

五穀部 詳稻 管子

增黍 大酋 禮記月令曰仲冬之月乃命大酋秫稻必齊 五里聞 詳後

六月新 社詩東屯大江北百頃平若 龍睛 詳後

虎掌 詳後 鷓鴣 杜詩香稻啄 雞輸 杜詩官雞輸

弘正 詠鴈詩曰南思洞庭水北想 公田種稻 晉陶潛

乃使 田悉令種秫稻妻子固請種粳 荒田種稻 詳後

美田欲稀 崔寔田民月令曰三月可種 肥水宜稻

詳前 玉粒紅玉粒定晨炊 紅蓮 詩曰近炊香稻識

蓮 雕胡之飯露葵之羹 雲子 洪駒父曰雲子

四熟之稻 烏菴國四熟之稻苗高 豐行之收 六帖曰

為涼州都督遣甘州刺史李漢通關 屯山盡水陸之利是年稻收豐衍

增 詩唐杜甫刈稻了詠懷詩曰稻穫空雲水川平對石

門寒風疎草木旭日散雞豚野哭初聞戰樵歌稍出邨

無家問消息作客信乾坤

原 贊晉湛方生庭前植稻苗贊曰菁菁嘉苗離離階側

弱葉繁蔚圓珠疎植清流津根輕露濯色

杭

原 說文曰杭稻屬也 廣雅曰秬杭也 廣志曰粳有

烏杭黑穰又有青幽白夏之名 鄭氏婚禮謁文贊曰

杭米馥芬婚禮之珍 魏文帝與朝臣書曰江表惟長

沙名有好米何得比新成稷稻邪上風炊之五里聞香

袁淮觀殊俗曰河內青稻新成白粳

張衡南都

賦曰其廚膳則華鄉黑秬潢鼻香粳左思蜀都賦曰

黍稷油油杭稻漠漠傅巽七誨曰孟冬香粳上秋膏

梁雕胡菰子丹具東牆俱米名濡潤細滑流澤芬芳

杭二

原啓梁庾肩吾謝湘東王賚米啓曰味重新城香踰潦

水連舟入浦似彥伯之南歸積地為山疑馬援之西至

不待候沙同新渝之再熟無勞拜石均遼倉之重滿前

恩未遠次渥仍流墨翟假以故書裴楷慙其國賜又

答湘東王賚粳米啓竊以農夫力耕時逢儉歲疎賤時

澤必取豐年秬斛瀉珠嘉聞陶量翻庭委玉欣見馬圖

黍一

爾雅曰秬黑黍秠一稗二米所以釀鬯漢和帝時任

實也說文曰以大暑而種故謂之黍又曰黍禾

屬粘者也孔子曰黍可以為酒古今注曰稻之粘者

為秠禾之粘者為黍春秋說題辭曰精移火轉生黍

夏出秋改黍者縮也故其立字禾入米為黍酒以扶老

廣雅曰粢黍也黍穰謂之稊書曰至治馨香感於

神明黍稷非馨明德惟馨又曰若農不服田畝罔有

黍稷原詩曰彼黍離離彼稷之苗行邁靡靡中心搖

搖 又曰或耘或耔黍稷薿薿 又曰芄芄黍苗陰雨
膏之 禮記曰仲夏之月農乃登黍 又曰凡祭宗廟
黍曰薌合稷曰明粢 又曰羊宜黍豕宜稷 又儀
禮昏禮曰贊設黍於醬東 又饋食禮曰佑食博黍授
祝祝以授尸 左傳曰其藏冰也黑牡秬黍以享司寒
尚書大傳曰夏昏火中可以黍稷 國語曰黍稷垂
成不能為榮黍而不黍不能蕃庶稷而不稷不能蕃殖
春秋佐助期曰黍神名俯佞蘭郝 山海經曰廣都
之野后稷葬焉爰有膏黍膏稷 漢書曰冀州民五男
三女畜宜牛羊穀宜黍稷 荆楚歲時記曰十月十一

日黍臠俗謂黍歲首未詳黍臠之義今北人皆曰設麻
羹豆飯當謂其黍熟嘗新耳 呂氏春秋曰飯之美者
南海之秬 又曰得時之黍芒莖而微下穗芒以長搏
米而薄糠舂之易而食之不噉而香如此者不餲音過先
時者大本而華莖殺而不遂葉高短穗後時者小莖而
麻長短穗而厚糠小米令新也而不香 又曰今以百金
與搏黍以示兒子必取搏黍也以和氏之璧與百金以
示鄙人鄙人必取百金矣 淮南子曰渭水多力而宜
黍 又曰孟冬之月天子衣黑衣乘元駱食黍與蕪
又曰三代積德而王齊桓繼絕而霸故樹黍者無不獲

之長雪果蔬之下是侵上忽下也 韓子曰韓昭侯之
時黍種嘗貴豈有昭侯令人覆廩廩吏果竊黍種而糶
之增幽明錄曰漢武帝與近臣宴於未央殿噉黍臠
也外古今注曰宣帝元康四年長安雨黑黍粟和帝元
興元年黑黍穗一禾二實或三四實生任城得粟三斗
八升以薦宗廟 後漢書曰承宮遭天下喪亂遂將諸
生避地漢中後與妻子之蒙陰山肆力耕種其黍將熟
人有認之者宮不與計推之而去由是顯名 襄陽記
曰司馬德操嘗造龐德公值其渡沔上先人墓徑入上
堂呼德公妻子速使作黍 禰衡別傳曰十月朝黃祖

在臠衝舟上會設黍臠衡年少在坐黍臠至先自飽食
畢搏以弄戲其輕慢如此 列女後傳曰東平衡農師
太尉薨農欲奔赴無糧自致妻願從行行止紡績庶以
自資行至聚亭遇天霖雨留獨母舍母舍後有空園農
曰此園可以種黍從求分種之獨母曰此久廢園惟恐
生劣收不多耳何分之有乎農遂與妻斬荆棘種之黍
將熟獨母改更曰黍當分農欲委去妻曰不如收斂以
遺之安其意然後乃去農遂從之後還獨母以昔黍歸
農遂不肯取 竹林七賢論曰阮咸兄子簡亦曠達自
居居大喪行遇大雪寒凍遂詣浚儀令令為他賓設黍

臞簡又食之以致清議頓廢三十年 崔鴻十六國春秋前秦錄曰苻堅宴羣臣於釣臺趙整以堅頗好酒為酒德之歌曰獲黍西秦採麥東齊春封夏發鼻納心迷 隋書曰李士謙隱居有牛犯其田者士謙牽至涼處飼之過於本主望見盜刈其禾黍者默而避之其家僅常執其盜粟者士謙慰諭之曰窮困所至義無所責遽令放之 六帖曰王績種粟春秋釀酒 唐書曰德宗以中和節令文武百辟進農書獻種稔及是百僚始進兆人本業三卷司農獻粟黍一斗

黍三

秋薦

夏登

禮記曰庶人春薦 莊夏薦麥 秋薦黍冬薦稻 下詳黍一

滿握

盈疇

穎盈箱 王粲登樓賦曰背墳衍之廣陸今臨阜

穎盈箱 王粲登樓賦曰背墳衍之廣陸今臨阜

穎盈箱 王粲登樓賦曰背墳衍之廣陸今臨阜

穎盈箱 王粲登樓賦曰背墳衍之廣陸今臨阜

穎盈箱 王粲登樓賦曰背墳衍之廣陸今臨阜

昭丘

華實蔽野 黍稷盈疇

華實蔽野 黍稷盈疇

華實蔽野 黍稷盈疇

華實蔽野 黍稷盈疇

華實蔽野 黍稷盈疇

皮黍

牛黍南尾 秀成赤黍馬草

牛黍南尾 秀成赤黍馬草

牛黍南尾 秀成赤黍馬草

牛黍南尾 秀成赤黍馬草

牛黍南尾 秀成赤黍馬草

大黑

黍種黍有溫毛黃黍白黍

黍種黍有溫毛黃黍白黍

黍種黍有溫毛黃黍白黍

黍種黍有溫毛黃黍白黍

黍種黍有溫毛黃黍白黍

雅曰

鍾鍾獲也 劉熙釋

鍾鍾獲也 劉熙釋

鍾鍾獲也 劉熙釋

鍾鍾獲也 劉熙釋

鍾鍾獲也 劉熙釋

名曰

鍾鍾斷黍稷聲

鍾鍾斷黍稷聲

鍾鍾斷黍稷聲

鍾鍾斷黍稷聲

鍾鍾斷黍稷聲

既盈

我庾惟 薊萁 鹽鑽 禮記曰祭宗廟之禮梁曰

我庾惟 薊萁 鹽鑽 禮記曰祭宗廟之禮梁曰

我庾惟 薊萁 鹽鑽 禮記曰祭宗廟之禮梁曰

我庾惟 薊萁 鹽鑽 禮記曰祭宗廟之禮梁曰

我庾惟 薊萁 鹽鑽 禮記曰祭宗廟之禮梁曰

魏文

帝以爲 薊萁 東門徒 南夷獻 秦小亭置一石赤

帝以爲 薊萁 東門徒 南夷獻 秦小亭置一石赤

帝以爲 薊萁 東門徒 南夷獻 秦小亭置一石赤

帝以爲 薊萁 東門徒 南夷獻 秦小亭置一石赤

帝以爲 薊萁 東門徒 南夷獻 秦小亭置一石赤

黍門

外令人能 從此於西門外者 賜之六夫 賜之上山

外令人能 從此於西門外者 賜之六夫 賜之上山

外令人能 從此於西門外者 賜之六夫 賜之上山

外令人能 從此於西門外者 賜之六夫 賜之上山

外令人能 從此於西門外者 賜之六夫 賜之上山

之乃

下令曰 明日攻秦能先 登者任之 大夫賜之上山

下令曰 明日攻秦能先 登者任之 大夫賜之上山

下令曰 明日攻秦能先 登者任之 大夫賜之上山

下令曰 明日攻秦能先 登者任之 大夫賜之上山

下令曰 明日攻秦能先 登者任之 大夫賜之上山

宅於

是攻之一 朝而拔 沈約宋書曰 黃帝

是攻之一 朝而拔 沈約宋書曰 黃帝

是攻之一 朝而拔 沈約宋書曰 黃帝

是攻之一 朝而拔 沈約宋書曰 黃帝

是攻之一 朝而拔 沈約宋書曰 黃帝

時南

夷乘白鹿 來獻 桓 爾雅云 秬黑黍

夷乘白鹿 來獻 桓 爾雅云 秬黑黍

夷乘白鹿 來獻 桓 爾雅云 秬黑黍

夷乘白鹿 來獻 桓 爾雅云 秬黑黍

夷乘白鹿 來獻 桓 爾雅云 秬黑黍

享司

寒 並詳 黍一

寒 並詳 黍一

寒 並詳 黍一

寒 並詳 黍一

寒 並詳 黍一

四月

熟

熟

熟

熟

熟

五穀

長 上詳 黍一

長 上詳 黍一

長 上詳 黍一

長 上詳 黍一

長 上詳 黍一

詳

詳 黍二

詳 黍二

詳 黍二

詳 黍二

詳 黍二

此二者以四月熟。爾雅曰稷者五穀之長，以其中央之穀，月令中央土食稷，與牛五行土為尊，故五穀稷為長。天中記曰：稷又名為稌。呂氏春秋曰：飯之美者，有陽山之稌。高誘曰：關西謂之糜，冀州謂之緊。非說文糜，稌也。廣雅曰：緊，稌也。曲禮疏曰：凡祭宗廟，稷曰明粢，稷又名齋，或為粢，故祭祀之號稷曰明粢而言。粢盛者，本之故。諸穀因皆有粢名。小宗伯所謂辨六齋之名物，與其用是也。通志曰：苗穗似蘆而米可實用。月令章句：稷，秋種夏熟，歷四時備陰陽穀之貴者。鄭氏婚禮：謁文贊曰：稷為太官。冀州論曰：真定好稷地。

產不為無珍也。本草曰：稷米甘而無毒，益志氣，補不足。

梁

增楊泉物理論曰：梁者黍稷之總名也。爾雅曰：藿，赤苗，芑，白苗，郭璞注曰：藿，赤梁，粟，芑，白梁，粟。廣志曰：有具梁，解梁，有遼東赤梁。廣雅曰：藿，梁木稷也。爾雅翼曰：黃梁，穗大毛長，殼米俱粗，於白梁而收子少，不耐水旱，食之香味逾於諸梁。人號為竹根黃。本草曰：白梁味甘微寒無毒，主除熱益氣，有襄陽竹根者最巨，黃梁出青冀。曲禮曰：祭宗廟之禮，梁曰薌蕘。內則曰

五穀部

曲禮曰祭宗廟之禮

梁

飯黍稷稻粱白黍黃粱淮南子曰不能耕而欲黍粱不能織而喜衣裳無事而求其功難矣楚辭招魂曰稻粱稱麥挈黃粱傳休雉賦曰飲以華泉之水食以元山之粱左思魏都賦曰雍丘之粱淮南子曰珍怪竒味人之所美也而堯羈梁之飯藜藿之羹文繡狐白人所好也而堯布衣掩形鹿裘禦寒續漢志曰桓帝之初京都童謡曰城上烏尾畢逋公為吏子為徒一徒死百乘車車班班入河間河間姤女工數錢以錢為室金為堂石上慊慊春黃粱下有懸鼓我欲擊之丞相怒神仙傳曰吳孫權時有一人種粱在山中患猿猴

食之聞介象有道聊從乞辟猿猴法象告之無他法也汝明日往梁所望見羣猴方往時便大喚語之曰以白介君使猿猴莫復來食梁此人倉卒直謂象欺弄之明日視梁遇羣猴適欲下樹試承象語語猿即各還山遂絕迹

淵鑑類函卷三百九十四

又曰古者以粟為黍稷梁秫之總稱而今之粟在古但稱為梁後人專以梁之細者名粟故唐孟詵本草言人不識粟要之黏者為秫不黏者為粟因呼梁為私粟以秫北人謂之小米也 說文曰粟嘉穀實也粟之為言續也 書曰若苗之有莠若粟之有秕 詩曰握粟出卜自何能穀 又曰交交桑扈率場啄粟 周禮地官曰倉人掌粟入之藏 曲禮曰獻粟者執右契 又祭法曰父母既沒必求仁者之粟以祀之 歸藏曰剥銀人得其玉小人得其粟 春秋說題辭曰粟五變以陽化生為苗秀為禾三變而發謂之粟四變入

白米出甲五變而蒸飯可食之 書曰高而平者為原平而和者故宜粟 又曰陽以一立為法故粟積一大分穗長一尺文以七烈精以五立故其字西米為粟 西者金所立米者陽精故西字合米為粟 謝承後漢書曰烏丸國其地宜糲 原呂氏春秋曰飯之美者不周之粟 又曰苗其莠也欲孤長也欲相與居其熟也欲相扶是故三以為族乃多粟 墨子曰世俗之君子視義士不若視負粟者今有人於此負粟息於路側欲起而不能君子見之無長少貴賤必起之何重故也今為義之君子奉承先王之道以語之縱不說而行又從

而非毀之則是世俗之君子視義士不若視負粟者
荀卿子曰仁義禮善之於人也譬之若貸財粟米之於
家也 商君書曰金一兩生於境內粟一十二石死於
境外粟一十二石生於境內金一兩死於境外國好生
金於境內則金粟兩死府庫兩虛國弱好生粟於境內
則金粟兩生倉府兩實國強 本草曰陳粟味無毒主
胃疽熱中渴利小便

粟二

原周書曰神農之時天雨粟神農耕而種之作陶冶斤
斧破木為耜鋤耨以墾草芥然後五穀興以助果蓏之

賈淮南子曰黃帝治天下力牧泰山稽輔之狗彘吐
菽粟於道路而無分爭之心 又曰昔者倉頡作書而

天雨粟倉頡始視鳥迹之文而造書者也有書契則作
之利天知其將 雜書說禾曰倉帝起天雨粟青雲扶

日 六韜曰發鉅橋之粟散鹿臺之金錢以與殷民

史記曰伯夷叔齊聞西伯善養老往歸焉值武王東伐
紂扣馬諫左右欲刃太公曰此義士也扶而去之武王
平殷亂天下宗周伯夷叔齊恥之義不食周粟而餓死

管子曰桓公觀於野曰何物可比君子之德隰芻曰
粟可比君子之德管仲曰苗始出生也眴眴音乎似孺

子安之則安不得則危故命之曰禾可比君子桓公曰善左傳曰鄭饑而未及麥民病子皮以子展之命餼國人粟戶八鍾又曰冬晉薦饑乞糴於秦秦伯輸粟於晉自雍及絳相繼命之曰汎舟之役又曰夏會於黃父謀王室也趙簡子令諸侯之大夫輸王粟穀梁傳曰莊公曰諸侯無粟諸侯相歸粟正也論語曰子華使於齊冉子為其母請粟述異記曰闔廬伐楚五戰入郢燒高府之粟孔叢子曰季桓子以粟十種餼夫子受而班門人之無者子貢曰季孫以夫子貧故致粟今而施人無乃乖彼意乎子曰吾受而不辭為季孫

惠受不為富惠於一人豈若數百人哉又曰子思居貧其友有饋之粟者受二車焉或獻尊酒束修子思曰為費而無當也或曰子取人粟而辭酒是辭少而受多也於義無名於分則不全行之何也子思曰然彼不幸而貧至及困乏將絕先人之祀夫所以受粟為周之也酒脯則所飲讌也方乏於食而乃飲讌非義也吾豈以為分哉度義而行之曾子曰曾子魯君饋之粟辭不受使者曰子無求於人人自致之曰與人者驕人受人者畏人縱子不以是驕我能無畏乎與其富而畏人不若貧而無屈莊子曰莊周往貸粟於監河侯監

河侯曰諾我將得邑金貸子三百金可乎周忽然曰若
乃言此不如早索我枯魚之肆 呂氏春秋曰衛嗣君
欲重稅以聚粟民弗安以告薄疑曰民愚甚矣夫聚粟
也將以為民也其自藏之與在於上奚擇薄疑曰不然
其在於民而君弗知其不在上也其在於上而民弗
知其不如在民也凡聽必反諸已審則令無不聽矣
風俗通曰燕太子丹仰歎天為雨粟 史記曰宣曲任
氏之先為督道倉吏秦之敗豪傑皆爭取金玉而任氏
獨善倉粟楚漢相距滎陽民不得耕種米至貴已而豪
傑金玉盡歸任氏以此起富 又曰秦將王離涉河圍

鉅鹿章邯軍其南築甬道而輸之粟 漢書曰主父偃
諫伐匈奴曰秦始皇使天下飛芻輓粟起於東陲琅邪
負海之郡轉輸北河率三十種而致一石 漢書東方
朔曰侏儒長三尺餘俸一囊粟錢二百四十臣朔長九
尺餘亦一囊粟錢二百四十侏儒飽欲死臣朔飢欲死
一又曰大將軍青遂至寘顏山趙信城得匈奴積粟倉
軍留一月而還悉燒其城餘粟以歸 鄒子曰朱買臣
貧賤之時蓬蓽修藝不知雨之流粟志在經傳也 古
今注曰武帝建元四年天雨粟宣帝地節三年長安兩
黑粟竟寧元年南陽山都縣雨粟色青黑味苦大者如

小豆小者如麻子 桓階別傳曰階為趙郡太守路有遺粟一囊耕者得之舉以繫樹數日其主聞還取之桂陽先賢書贊曰成丁柳人能達鳥鳴為郡主簿與眾人俱坐聞雀鳴而笑曰東市輦粟車覆雀相呼往食之眾人遣視信然 **增**農書曰晉末荊州久雨粟化為蟲蟲害民春秋云穀之飛為蟲是也中郎王義興表曰臣聞堯生神禾而晉有蟲粟陛下自以聖德何如也帝有慙色 又曰宋高祖之初當晉末饑饉之後既即位而江表二千餘里野粟生焉 汜勝之書曰神農之教雖有石城湯池帶甲百萬而無粟者弗能守也夫穀帛實

天下之命衛尉前上蠶法令上農事人所忽略衛尉勤之可謂忠國憂民之至 後魏書曰任城王雲為冀州刺史雲留心政事甚得下情於是合城長吏請輸絹五尺粟五升以報雲恩高祖嘉之 又曰世祖引高允與論刑政言甚稱旨因問允曰萬幾之務何者為先是時多禁封良田又京師遊食者眾允因言曰地方一里則為田三頃若勤之則畝益三升不勤則畝損三升方百里損益數率為粟二百一十二萬斛況以天下之廣乎若公私有儲雖饑年復何憂哉世祖善之遂除田禁又曰偉肅字尊顯少有志業年十八辟州主簿時屬歲

江金卷三百九十五
六
儉拙以家粟造粥以飼飢人所活甚眾 大業拾遺記
曰吏部侍郎楊恭仁欲改葬學士舒綽曰此所擬之處
掘深五尺之外亦有五穀若得一穀即是福德之地公
侯世世不絕恭仁即將綽向京令人掘深七尺得一穴
如五石甕大有粟七八斗此地徑為粟田蟻運粟下入
此穴當時朝廷之士以綽為聖 唐書曰始平人宗士
眺負粟一石委於太倉而去願少益軍國高祖嘉之賚
布百段 西陽雜俎曰賈相在滑州境內大旱稼穡盡
損賈召大將二人謂曰今歲荒早煩若救軍百姓也曰
君可辱為健步翌日當有兩騎衣繡緋所乘馬蕃步驢

長經市出城君等蹤之識其所滅處則吾事諧矣二將
乃裹糧米早行尋之一如賈言自市至野行二百里大
塚而滅遂壘石標表誌焉經信而反賈大喜令數百人
具畚鍤與二將偕往其所因發塚獲陳粟數千斛人竟
不之測

粟三

原瓊膏 玉粒 王子年拾遺記曰東極之東有瓊脂粟

又曰買嶠之山名環丘上有方湖千里多大鵝高一丈羣飛於湖際銜採不周之粟於環丘之上粟生穗高五丈其粒皎然如玉也 千株 五變 粟言其枝屈曲若遊龍食之善走又有鳳冠粟似鳳之冠食之令人多力有雲渠粟叢生葉似扶渠食之益顏色粟莖赤黃皆長二丈千

株叢生 下詳粟一 大粒 長枝 楊泉物理論曰凡種有強弱

粟長穗而大粒 拾遺記曰有耀枝粟 漢腐 秦輸

言其枝長而弱無風自搖食之多壽 粟陳陳相因充溢

史記曰漢興七十餘年太倉之粟陳陳相因充溢

露積於外至腐敗不可食 左傳晉饑秦輸之粟

原思辭 北郭受 論語曰原思為之宰與之粟九百

晏子分倉粟府余以 據教倉 發河內 鄭食其說高

遺之騷離余受粟 下轉輸久矣急據教倉之粟 又汲黯傳曰河內失火

上使黜視之還報曰河內人或父子相食臣謹發河

南倉粟以賑之 追李峴 歌蕭傲 守時京師米騰貴

之賢而釋之 六帖曰蕭傲出太倉粟賤值以濟民

百姓乃相與謔曰欲粟賤追李峴

粟四 原有粃 詳粟 不食 夷齊不食周粟 一盤 李白詩雖有數

安曾無謗 粟而百姓怡然者知陛下憂憐之故人人自

種 李紳詩春種一粒粟秋熟萬顆 雲鋤 陸放翁雲

鬼粟 東夷流鬼粟 小斗受粟 惠子曰齊大夫田乞及

大斗貸於 輒發儲粟 蕭復改同州刺史歲歉州有京

有司劾治詔削階停刺史或弔 拜爵入粟 帝曰方今

之復曰苟利於人胡責之辭 治粟內使 見錢穀問

之務莫若使民務農務農在於貴粟貴粟之道在於

以粟為賞罰合募天下入粟縣官得以拜爵除罪

無食粟馬 左傳曰季文子無衣 治粟內使 幾何注

無食粟雁 賈誼書曰鄒穆公有令食鳧雁者必以糝

粟得一石糝於民請曰糝食雁則費甚矣請以粟食之糝於

二石粟而易一石糝食雁則費甚矣請以粟食之糝於

五穀部 尚監領函卷三十一

曰去非爾知也夫百姓胸牛而耕暴背而芒勤而不食
情者豈為鳥獸哉粟米人上食也柰何以其食養鳥且
汝知小計而不知大害
粟 莊子曰子列子窮容貌有飢色客有言於鄭子陽者
曰列禦寇有道之士也居君之國而窮君無乃不好
士乎鄭子陽令官遺之粟子列子見使者再拜而辭使
者去列子妻拊心曰妾聞有道者之妻不命耶列子笑
謂之曰君非自知我也以人之言而遺我粟至其罪我
也又且以人之不愛 往貸魏粟 魏文侯曰高平王遣使者從
言吾所以不以之 往貸魏粟 魏文侯曰高平王遣使者從
租收邑粟至乃得也使者曰臣初來時見瀆中有魚張
口謂臣曰吾窮水魚命在呼吸可得灌乎臣謂之曰待
吾南見河伯之君汝比至還必求吾于枯魚之肆今高
與乃須波江准之水比至還必求吾于枯魚之肆今高
平窮貧故遣臣詣君貸粟乃須租收 救凶移粟 梁惠
粟至者大王必求臣死人之墓矣 醴湖嘉粟 宋書文帝時醴湖
內山則移民河東山亦然 醴湖嘉粟 宋書文帝時醴湖

福建瑞粟

唐宣宗大中二年福建進

劉殷夢粟 晉劉

人曰西籬下有粟蔭而掘之果得粟 士謙放盜 隋李
五十種銘曰七年粟以賜孝子劉殷 停飛龍粟 宣宗
望見盜割其粟者默而辭之家僮執 渭倉二百
盜粟者士謙曰貧困所致耳可放之 未停飛龍粟
中元年二月癸 未停飛龍粟 渭倉二百
裴休進中書侍郎居三年 凶年一鍾 峯子語禽滑釐
粟至渭倉者二百十萬斛 十分一寸 峯子語禽滑釐
隋侯珠又與子一種粟 十分一寸 峯子語禽滑釐
子將何擇釐曰粟可耳 十分一寸 峯子語禽滑釐

原物理論曰菽者眾豆之總名

增春秋說題辭曰菽

者屬也春生秋熟理通體屬也菽赤黑陰生陽大體應
節小變象陽色也 張楫廣雅曰大豆菽也小豆荅也

豆 豆 豆

泃錄卷之三十一
九
脾豆豌豆留豆也胡豆踈雙也豆角謂之莢其葉謂之
藿也巴菽巴豆也 廣志曰種小豆一歲三熟味甘白
豆麤大可食刺豆亦可食秬豆苗似小豆紫花可為麩
生朱提建寧胡豆有青有黃者 爾雅曰戎菽謂之荏
菽 正字通曰豌豆今北土多有之八九月下種苗柔
弱如蔓鬚葉似蒺藜兩兩相對三四月開小花澹紫色
莢長寸許子圓百穀中最為先登磨作粉麩甚白膩一
名青小豆老則斑麻故又名青斑豆名麻累 又曰豇
豆一種蔓長丈餘一種蔓短葉皆本大末尖花紅白二
色莢白紅紫赤斑駁色長者至二尺豆子微曲 元葉

隆禮遼志曰回鶻豆高二尺許直幹有葉無旁枝角長
二寸每角止兩豆一根才六七角色黃味如粟 詩曰
七月烹葵及菽 又曰采菽采菽筐之筐之 又曰藝
之任菽任菽旆旆 又曰中原有菽庶民采之 禮曰
啜菽飲水盡其歡斯之謂孝 注熬豆而食也 春秋佐助期曰
豆神名靈殖姓樂 山海經曰廣都之野爰有膏菽
陳留耆舊傳曰八月雨為豆花雨 雜五行書曰常以
正月旦日亦用月半以麻子七枚赤豆二七枚著井中
辟温病甚神效 又曰正月七日男吞赤豆七枚女吞
十四枚竟年無病 王子年拾遺記曰東極之東有傾

離豆見日即傾葉食者歷年不飢豆莖皆大若指而綠
一莖爛燬數畝 博物志曰人食豆三年則身重行止
動難恒食小豆令人肥燥麤理 本草經曰大豆黃卷
味甘平澤生平治溫痺筋攣膝痛生大豆張騫使外國
得胡麻胡豆或曰戎菽塗癰腫煮汁飲之殺鬼毒止痛
赤小豆下水排癰腫血生太山 汜勝之書曰大豆保
歲易為宜古所以備凶年也種大豆率人五畝大豆忌
申卯三月榆莢時雨高田可種大豆夏至後二十日尚
可種小豆不保歲難得宜樵黑時種畝五升豆生布葉
鋤之生五六葉又鋤之治養美田可得十石一斗大豆

有萬千粒 又曰夏至二十日可種豆帶甲而生不用
深耕豆花憎見日則黃爛而根焦矣知歲所宜以囊盛
種等量埋陰地冬至後五十日以發取量之最多者種
焉 嵇康養生論曰豆令人重榆令人暝 客退紀談
曰用蠶豆四十九粒陰陽水浸端午日午時咒之埋室
西地下令貓踞其上七日化為貓精

豆二

原史記曰棄為兒時好種樹麻菽麻菽美 管子曰桓
公北伐山戎以戎菽遍布之天下 左傳曰晉周子有
兄而無慧不能辨菽麥 史記曰張儀說韓王曰韓地

險惡山居五穀所生非菽而麥民之食大抵飯菽藿羹
一歲不收民不饜糟糠 古今注曰宣帝元康四年南
昌雨豆光武建武三年春鎌一疋易一斗夏野生旅豆
民收取之明帝永平十八年下邳雨大豆似槐實 漢
書曰楊惲報孫會宗詩曰田彼南山蕪穢不治種一頃
豆落而為箕人生行樂耳須富貴何時 又曰汝南有
舊鴻郟陂成帝時丞相翟方進毀之時人歌曰敗我陂
者翟子威飯我大豆羹我芋魁方進字威 漢名臣奏曰
丞相薛宣曰陛下八月酌祠嘉美上昇皇天報應茂陵
寢廟上食日元鳥來至集吐所含大豆紫黑色食物之

象也 東觀漢記曰閔仲叔太原人也與周黨相友黨
每過仲叔共啜菽飲水無菜茹 又曰劉平嘗為餓賊
所劫叩頭曰老母飢少氣力待平為命願得還飯食母
馳來就死涕泣發於肝膽賊即遣去乃撫三升豆以謝
賊恩 **增**又曰光武二十年寇恂為潁川郡大生旅豆
得一萬餘斛以應給諸營 又曰鄧禹攻赤眉陽敗棄
輜重走半載土以豆覆其上兵士飢爭取之 又曰倪
萌字子明齊臨淄人兄為赤眉賊所得賊欲殺啖之萌
詣賊叩頭言兄年老羸瘠不肥健愿代兄賊義而不啖
命歸求豆來贖兄萌歸不能得豆自縛詣賊賊遂放之

五穀部

尚書卷之三十九

豆

三

後漢書曰世祖自薊東南至饒陽蕪萋亭馮異獻豆粥 又曰馮異擊延岑時百姓飢餓人相食黃金一斤易豆五升道路斷隔委輸不至軍士悉以果實為糧 又曰獻帝在長安穀貴豆一斛二十餘萬 益部耆舊傳曰朱倉字卿雲之蜀從處士張寧受春秋糴小豆十斛屑之為糧閉戶精思寧矜之斂得米二十石倉不受一粒 陳留耆舊傳曰小黃桓枚為都尉功曹與郎君共歸鄉里為赤眉所得欲殺啖之枚求先死賊義釋之 送登豆一斛 孔融教高密令曰志士鄧子然告困焉得受釜庾之間以傷烈士之心與豆三斛 魏志曰華

佗還家太祖累書呼佗佗恃能厭事猶不上道託妻疾 太祖大怒使往視若妻信疾賜小豆四十斛 吳志曰趙達善算使人取小豆數升播之席上立知其數 又曰孫權北征使陸遜與諸葛瑾攻襄陽陸遜遣親人韓扁賈表報遇敵於江中羅得扁瑾聞之甚懼書與遜云大駕以旋賊得韓扁其知我闊狹且當急去遜未荅方催人種豆與諸將奕碁射戲如常 世說曰魏文帝使東阿王七步作詩不成當行大法王應聲曰其在釜下然豆在釜中泣本是同根生相煎何太急 又曰石崇為客作豆粥咄嗟便辦恒冬天得韭蒔菹 博物志曰

左元放度荒年法擇大豆麤細調均種之必生者熟按
今有光使煖氣徹豆必先一日不食以冷水頓服三升
服訖其魚肉菜果酒醬鹹酢甘苦之物一不得服經口
渴則飲水慎不可煖飲初少困極數十日後體力更壯
健不復思食大較法服三升為劑亦當隨人先食多少
增損之歲豐欲還食者煮葵子及脂蘇肥肉羹漸漸飲
之須豆下乃可食豆未下盡而食實物腸塞則殺人此未
試於理葛龔薦戴昱曰兄弟同居二十餘年及為宗
老所分昱持妻子逃舊業入虞澤掘獲野豆以自賑給
南史曰傅琰為山陰令有二野父爭雞琰各問雞所

食一人云粟一人云豆乃破得粟罪言豆者縣內稱神
明 明皇雜錄曰盧懷慎清貞素不營產常器宋璟及
盧從愿見之甚喜留連永日命設食有蒸豆兩甌葉數
俎而已此外脩然無辦 唐書曰裴諝為河東道租庸
等使時大旱諝請入計代宗召見問權酷之利一歲幾
何諝久而不對帝復問之對曰臣有所思帝曰何思對
曰臣自河東來其間三百里見農夫愁歎菽粟未種誠
為陛下憂之而乃責臣以利臣未敢即對 杜陽編曰
大曆中日林國獻靈光豆大小類中國之菜豆其色紅
而光芒長數尺本國人亦呼為詰多珠和石上莖蒲葉

黃之即大如鷺卵其中純紫稱之可重一斤啖之香美無比而數日不復言飢渴陸相奏議曰京兆府先奏蟲食豌豆全然不收且豌豆為用甚微舊例所支惟充畜料準數回給大豆諸司誰曰不然計價利剩微義將安在唐書曰貞元中李元諒為隴右節度使開部下荒田數十里勸軍士樹藝歲收菽粟數十萬斛五行志曰黃巢未入京師時都人以黃米及黑豆屑蒸食之謂之黃賊打黑賊

豆三

長莖

呂氏春秋曰得時之菽長莖而短足其莢二十七以為族多枝數節競葉蕃實

大目

春秋佐助期曰荳神為靈
紫華 詳豆
綠色 詳豆

半菽 項籍傳歲饑民負卒
殺菽 隕霜
煮豆 魏

兩器 雜記盧懷慎日宴
飛藿 秋風吹
旅保 野菽

種豆 陶淵明種豆南山
投豆 性理曰古人澄治思慮於
則投白豆一粒於器中後白起一惡念則投一黑豆於器中初時黑豆多白少後白多黑少後來遂不復有黑亦無之矣

豆田 杜甫相攜行
豆萁 詳豆

泣釜 詳豆
煮瓶 東坡豆粥行地確春初光

作腐 世

報讐 詳豆
謝恩 詳豆
烹菽 詩七月烹

納菽 又

米豆 靈

重膠禾麻菽麥

十月納禾稂黍稷

韓菽 見豆

吟菽 見豆

五穀部

附錄

鳥出枝葉似柳花如鳥豆一種之後數
年收實淮南子曰豆之美者米豆是也
狸豆一名狸

大如李核可嚼食
虎豆一名虎沙似狸豆而大
馬

豆一名馬沙似虎豆而小
旦種暮成
種菽易林曰旦

葉心之所慮
蔽目塞耳
山兩豆塞耳不聞雷震

赤土宜菽
神契
河中宜菽
淮南子曰宜
麻豆著

井
籬魚河圖曰歲暮夕四更取二十豆于二十七麻子
不薄傷寒
食菽與雞
淮南子曰孟夏仲夏天子
辟五溫鬼
衣紫衣乘赤韉食菽與雞

豆四

詩宋鼂補之
菘葉黃詩曰兼葭蒼豆葉黃南邨不見
岡北邨十頃疆東家車滿箱西家未上場豆葉黃野離

離鼠之窟兔入畦豕母從豚兒豕啼豚咿咿銜角復銜

箕荳葉黃穀又熟翁媪衰舖糜粥豆葉黃葉黃不獨豆

白黍堪作酒瓠大棗紅皺豆葉黃穰穰何懸腰鎌獨

健婦大男往何許官家教弓刀要汝殺賊去
楊萬里

蠶豆詩曰翠莢中排淺碧珠甘欺崖蜜軟欺酥沙瓶新

熟西湖水漆搗分嘗曉露腴味與櫻梅三益友名因蠶

繭一絲絢老夫稼圃方雙學譜入詩中當稼書
明王

穉登種豆詩曰庭下秋風草欲平年饑種豆綠陰成白

花青蔓高於屋夜夜寒蟲金石聲
王伯稠涼生豆花

詩曰豆花初放晚涼淒碧葉陰中絡緯啼貪與鄰翁棚

底語不知新月照清溪

原賦晉張翰豆羹賦曰乃有孟秋嘉菽垂枝挺英是刈是獲充簞盈篋香鑠和調周疾赴急時御一杯下咽三歎時在下邑頗多艱難空匱之厄固不輟歡追念昔日啜菽永安

增詔宋胡綺擬馬菽除駕部詔曰乘輿法駕公卿奉引大僕御參屬車蓋所以嚴導扈也爾理明芻悅才有駿聲乘馬在廢摧之秣之於牧之職咸休厥功朕甚嘉之今將駕鑾車涖明堂擢爾司駕僕臣正厥后克正思無邪思馬斯臧爾其搜舉天閑之政使徒御不驚既碩孔

安則為稱厥職其往欽哉母失朕命

表宋胡綺代菽謝表曰典廢濫員無裨仰秣司輿躡寵有醜分曹聞命凌兢銜恩激烈伏念臣用非穀粟材僅秣積駒谷逍遙慣飽南山之味駟原濡沃備嘗幽圃之勞荷不棄於牧芻俾進供於飼秣約軋鳴八鑿之節宜預均調法駕備六馬之參蓋先審御騰槽有幸導扈何居茲蓋恭遇皇帝陛下臨下以寬馭臣以爵自強不息時乘六位之飛示樸為先日却千里之獻屬舉我享我將之禮載嚴既閑既庶之司肆使駕疲獲依騎乘臣敢不益鞭而後載範其馳地熟九方幸已塵於太僕天

低五路願長擁於屬車

麻一

原爾雅曰泉麻廣泉實也廣麻子也廣字麻母直麻麻之有子也

雅曰廣麻也增爾雅翼曰巨勝胡麻之黑者宋嘉祐

本草有白油麻是也 又曰麻有實者別名苴而無實

者別名泉 **原**養生要集曰麻子味甘無毒主補中益

氣服之令人肥健麻子一名麻蕒一名麻勃 抱朴子

曰胡麻一名方莖服餌不老耐風濕其葉名青囊

素問經曰麻麥稷黍豆為五穀麻即今油麻中國有四

稜六稜者張騫從外國得八稜黑麻種故又曰胡麻一

名藟一名巨勝即黑脂麻也有黑白二種 詩曰丘中

有麻 又曰麻麥幪幪 又曰不績其麻市也婆娑

禮記曰仲秋之月天子乃以犬嘗麻先薦寢廟麻新

又曰女子十年不出姆教婉婉聽從執麻泉治絲繭

淮南子曰三秋之月天子衣白衣乘白駱食麻與犬

又曰汾水濛濯而宜麻 呂氏春秋曰得時之麻必莖

長疎節而危陽少本而莖堅厚泉以均後熟多榮日夜

分復生如此者不蝗 風俗通曰蓬生麻中不扶自直

漢武內傳曰鸚鵡食麻 宋莊綽雞肋編曰胡麻俗

呼芝麻言其性有八拗謂雨暘時薄收大旱方大鞮開

五穀部

爾雅疏

麻

麻

花向下結子向上炒焦壓榨才得生油膏車則滑鑽鍼
乃澁也

麻二

增莊子曰顏子曰願得郭內之田十畝以為絲麻不仕
也越絕書曰麻林山句踐欲伐吳種麻以為弓弦也
東觀漢記曰閔仲叔太原人也與周黨友嘗遺其生
麻仲叔歎曰我欲省煩耳受而不食華嶠後漢書曰
崔實為五原太守地宜麻桑而民不知種植又不能緝
織率無衣被冬月止種細草臥其中吏以草衣其身乃
得出實至教之緝織列女傳曰河內二義者張伯仁

仲仁之妻也兄弟少孤共居伯仁敦厚謙苦仲仁驕戾
不節二婦紡績得好桑麻輒別異之以為仲仁衣服
晉令曰其上黨及平陽輸上麻二十二斤下麻三十六
斤沈約宋書曰孝武帝大明中壞上所居陰室於其
處起玉燭殿與羣臣觀之牀頭有土鄣壁上掛葛燈籠
用麻繩拂之侍中袁顛盛稱上儉素之德故能光有天
下齊書曰宣帝陳皇后生高帝高帝年二歲乳人乏
乳后夢人以兩甌麻粥與之覺而驚乳因此豐足杜
寶拾遺隋大業四年改胡麻曰交麻朝野僉載曰滕
王嬰蔣王暉性貪帝賜諸王綵帛各五百段敕曰滕叔

蔣兄自解經紀不須賜帛與麻二車為錢緡二王大慙
紀異錄曰鄭班與李愚同為學士鄭閣下一麻生李
曰承旨入相矣霜降成實乃白麻也是夜制出拜相拜
相用白麻 崑山縣志曰嘉祐中崑山海上有一船風
飄泊岸船中三十餘人衣冠如唐人繫紅鞵角帶著短
皂衫言語書字皆不可曉船中有麻子大如蓮的土人
求種之初歲亦如蓮的次年漸小數年後與中國麻子
無異

麻三

紫色

紅苴

王子年拾遺記曰東極之東有紫麻粒如紫色紫苴為油則汁如清水食之目

視鬼魅又有倒葉麻葉如倒苴色紅紫亦名紅冰麻言
冰麻乃有實食之顏色潔白有通明麻食者夜行不持
燭是也 益氣 飛明 拾遺記曰有飛明麻葉黑實如
玉風吹之如塵 紅冰 紫粒 並詳前注 漚水 爭池 左
亦名明塵麻 紅冰 紫粒 並詳前注 漚水 爭池 左
拘部人漚管者曰何故使吾水滋 管中與書曰石勒
昔居與李陽相近 周禮典泉掌布總縷紵之麻草之物
漢 時頌 代理 以待禮典泉掌布總縷紵之麻草之物
以賈揚而藏之以待時 頌 代理 以待禮典泉掌布總縷紵之麻草之物
頌 代理 以待禮典泉掌布總縷紵之麻草之物
詩北 方佳人東鄰子 作纖微 製袍巾 春秋說題辭
且吟 白苧 傳綠水 作纖微 製袍巾 春秋說題辭
微也 陰精寢密 女作織微也 古詩曰白苧白 宜五
質如 輕雲製以為袍 餘作巾袍 以光軀巾拂塵 宜五
原 績八月 詩上見麻二 藝之於畝 漚之於池 又
藝麻如之何 衡從其畝 是刈是獲 載紡載績
又曰 東門之池 可以漚麻

五穀部

詩經頌

麻

五

麻四

原贊晉郭璞麻贊曰草皮之良莫貴於麻用無不給服無不加至物在邇求之好遐

麥一

原張楫廣雅曰大麥粦也小麥稂也 說文曰麥金也 金玉而生火玉而死 **釋**又曰麥芒穀秋種厚糞故謂之麥從來有穗者從久粦周所受來年也一麥二縫象其芒刺之形天所來也麩堅麥也麩小麥屑穀也麩磨麥也麩麥殼屑也十斤為三斗從麥管聲麩煮麥也麩麥甘鬻也稱麥莖也 **原**廣志曰梳麥似大麥出涼州

旋麥三月種八月熟出西方赤小麥而肥出鄭縣有半夏小麥有秀芒大麥有黑穰麥 **釋**正字通曰蕎麥南

北皆種苗高一二尺赤莖開小白花結實有小角粉亞於麥麩一名烏麥 又曰苦蕎麥莖青多葉似蕎麥而尖結實味苦濟苦荒者擣為粉烝食多食傷胃發諸病

詩曰爰采麥矣沫之北矣 又曰我行其野芄芄其麥 又曰丘中有麥 又曰貽我來牟 **禮**記曰

孟夏之月天子以彘嘗麥 春秋佐助期曰麥神名福習 孝經援神契曰黑墳宜黍麥 尚書大傳曰秋昏

虛星中可以種麥 春秋說題辭曰麥之為言殖也寢

生觸凍而不息精射刺直故麥含芒事且立也爾雅
翼曰麥者繼絕續乏之穀春秋於他穀不書至無麥禾
則書之麥比他穀隔歲種故號宿麥周書曰四月孟
夏王初禱於岱宗乃嘗麥於廟鄭注月令曰麥實有
字甲屬木黍秀舒散屬火麻實有文理屬金菽實字甲
堅合屬水稷五穀之長屬土西域諸國志曰天竺以
十一月六日為冬至則麥秀十二月十六日為臘則麥
熟莊子曰儒以詩禮發冢小儒口中有珠詩曰青青
之麥生陵之陂生不布施死何含珠為范子計然曰
東方多麥南方多稷西方多麻北方多菽中央多禾五

土之所宜也淮南子曰濟水通河而宜麥又曰三
春之月天子衣青衣乘青龍食麥與羊搜神記曰麥
之為蚘蝶由乾濕也爾則萬物之變皆有也農夫止麥
之化者區之以火聖人理萬物之化者濟之以道譚
子化書曰朽麥化為蝴蝶自無情而之有情也拾遺
記曰延精麥言延壽益氣有昆和麥調暢六腑有輕心
麥食者體輕有淳和麥麩以釀酒一醉累月食之凌冬
不寒有含露麥穠中有露甘如飴博物志曰啖麥令
人多力汜勝之書曰凡田六道種麥為首子欲富黃
金覆謂曳柴壅麥根也夏至後七十日寒地可種宿麥

又曰麥早種穗強而有節晚種穗小而少實麥種以酢漿無蟲冬雪止掩其雪忽然風飛去則麥耐旱 崔寔四民月令曰六月初伏薦麥瓜於祖禰 食物本草曰凡收麥以蠶沙和之辟蠹立秋前以蒼耳剉碎日晒收亦不生蟲秋後則蟲已生蓋麥惡濕故久雨水溢多不熟 又曰江南麥花夜放故發病江北麥花晝放故宜人 又麥穗將熟時上有黑黴者多麥擘王解丹石毒

麥二

原史記曰箕子朝周過故殷墟見禾黍箕子傷之欲哭

則不可欲泣為其近婦人乃作麥秀之詩以歌詠之其詩曰麥秀漸漸兮禾黍油油 左傳曰夏四月鄭祭足帥師取溫之麥 又曰晉侯夢大厲公覺召桑田巫巫曰不食新矣六月晉侯欲麥周六月今四月使甸人獻麥饋人為之召桑田巫至而殺之將食張如廁陷而卒 增又曰魯襄仲如鄭拜穀之盟復曰臣聞齊人將食魯之麥 原家語曰宓子賤為單父宰齊人攻魯道出單父父老曰麥已熟矣請放民皆使出穫北郭之麥三請而宓子不聽俄而寇逮于麥季孫使人讓宓子宓子曰今茲無麥明年可樹若使不耕得穫是民樂有寇也不

宜季孫聞之曰地若可入吾豈忍見宓子哉漢書曰
武帝外事四夷而民去本董仲舒說上曰春秋他穀不
書至於麥禾不成則書之以此見聖人五穀最重粟麥
東觀漢記曰高鳳南陽人誦讀書夜不絕妻嘗之田
曝麥于庭以竿授鳳留意在經史忽不視麥麥隨水漂
去又曰張堪為漁陽太守勸民耕種以致殷富百姓
歌曰桑無附枝麥穗兩歧張君為政樂不可支增又
曰第五倫免歸田躬與奴共發株棘田種麥又曰董
宣為洛陽令卒官詔遣使視惟見布被覆屍妻子對哭
有大麥數斛又曰鄧禹平三輔糧乏王丹上麥二十

斛禹高其節義表丹領左馮翊續漢書曰羊續為南
陽太守妻與子秘俱往郡舍續閉門不納妻自將秘行
其資藏惟布衾弊襦鹽麥數斛後漢書曰范丹字史
雲外黃人使兒捃麥得五斛鄉人尹臺遺之一斛囑兒
莫道丹後知即令并送六斛言麥已雜遂誓不取陳
留耆舊傳曰高順字孝兩敦厚少華子式至孝蠅蝗為
災不食式麥英雄記曰呂布令韓暹楊奉取劉備地
麥以為軍資原秦子曰孔文舉為北海相有遭父喪
哭泣墓側色無顛顛文舉殺之又有母病嗟思食新麥
家無乃盜鄰熟麥而進之文舉聞之特賞曰無有來討

勿復盜也盜而不罪者以為勤於母飢哭而殺者以為形慈而實否 孔融教高密令曰高宗侯國賤言鄭國增門之崇令容高車結駟之路出麥五斛以酬執事者之勞 博物志曰近世有田夫至巧而不自覺也其婦稱之猶不自信乃削木為麥入市糶之糶者無疑歸磨乃覺非麥 曹瞞傳曰太祖嘗行經麥中令士卒無敗麥犯者死騎士皆下馬持麥以相付時太祖馬騰入麥中敕主簿議罪主簿對以春秋之義罰不加於尊太祖曰制法而自犯之何以率下然孤為軍帥不可殺請自刑因援劍割髮以置地 諸葛恪別傳曰孫權嘗享蜀

使費禕禕停食麩索筆作麥賦恪亦請筆作磨賦咸稱善焉 **考**王隱晉書曰王裒字偉元諸生有密為裒刈麥者裒遂棄之於是莫敢復佐 晉書載記曰京兆杜洪竊據長安自稱晉征北將軍雍州刺史戎夏多歸之符健密圖關中懼洪知之乃偽受石祗宮室於枋頭課所部種麥示無西意有知而不耕種者健殺之以徇 崔鴻十六國春秋前凉錄曰張駿九年雨稼穀于武威燉煌種之皆生因名天麥 又前秦錄曰初符健聞桓温之來伐也芟麥以待之故温掠無所得軍人大飢 又曰新羅王遣使貢其方物在百濟東去長安九千八

百里其人食麥 三國典略曰李岳字祖仁官至中散大夫嘗為門客所說舉錢營生廣收大麥載赴晉陽候其寒食以求高價清明之日其車方達又從晉陽載回鄴城路逢大雨並化為泥息利既少乃至貧迫當世人士莫不笑之 陳書曰侯景亂時吳明徹有粟麥三千餘斛而鄰里飢餒乃白諸兄曰今人不圖久柰何不與鄉里共此於是計口平分同其豐儉羣盜聞而避焉賴以存者甚衆 隋書曰張文詡隱居嘗有人夜中竊刈其麥者見而避之盜因感悟棄麥而謝慰諭之自誓不言因令持去經數年盜者向鄉人論之始為遠近所悉

家築牆心有不直文詡因毀舊堵以應之 唐書曰

開元十二年河南府壽安縣人劉懷家有大麥六畝先熟與眾麥殊色其中有兩岐三岐四岐六岐者 又曰西女國每月令巫者齋肴諸山中散糴麥於空大咒呼鳥俄而鳥如雞飛入巫者之懷因剖腹而視之每有一穀來歲必登若有霜雪必有災異其俗信之名為鳥卜 又曰吐穀地氣大寒不生秔稻有青麩暹瓦切麥音勞豆小麥蒿麥 獨孤及上疏陳政曰民不敢訴於有司有司不敢聞陛下茹毒飲痛窮而無告今其心顛顛獨恃於麥麥不登則易子斲骨矣 王方慶疏曰太陰

于時雨雪而霜故大傷首種首種謂宿麥以秋種故謂之首種入收也春為寒所傷故至夏麥不成長也臣恐霜雪損稼夏麥不登無所收入也 金五行志曰興定元年陳州商水縣進瑞麥一莖四穗 元世祖本紀曰至元七年東平府進瑞麥一莖二穗三穗四穗各一本

麥三

一莖 九穗 晉起居注曰太康十年嘉麥生扶風郡一莖四穗收實三倍 又前涼錄曰永嘉九年嘉麥生姑臧 三葉 兩岐 呂氏春秋曰孟夏之山下詳麥二 勸種 觀成 八月勸人種麥無或失時東觀漢記 勸種 觀成 六月勸人種麥苑中太子瑛諸王侍帝曰是將事宗廟故親之亦欲汝等知稼穡之艱因分賜侍臣曰春秋書無麥禾古所甚重比詔使

者關田歲所對不以實

增 搖風

鋪雲

劉錫復遊

詩曰但見古河東蕎麥如鋪雲

黃雲

王荆公

成白雪桑重綠割盡黃雲稻正青

湖詩曰梅花開

東坡已

作黃雲色 東坡詩登城望碧多病經時不出門

進飯

賜麩

上詳飯 東坡詩注曰今大內當麥熟時以黃羅

貢

碧 宜青 唐杜陽編曰元和八年以蜜浸食尤佳

晨氣

暖風

體輕久可以禦風 五代表裏皆碧香氣如稊米食之

暖風

抽細

出文選

麥四

芳 其詩 芳 芳 芳

漸 漸 二 詳 麥

增 麥 青

韓愈詩 南陽郭

力穀部

增 麥 青 芳 芳 芳

麥

芳

青 再 熟 高 昌 土 沃 鴉 種 東 坡 詩 曰 霜 林 老 鴉 閒

崆 峒 麥 發 且 願 休 王 師 吐 蕃 青 翹 蕎 麥 輕 花 麥 細

落 輕 秀 漸 漸 麥 芒 也 麥 秀 進 御 花 名 番 麥 出 于 西 番

進 御 故 曰 御 麥 幹 葉 類 櫻 花 類 進 御 田 名 番 麥 出 于 西 番

真 謂 也 吳 郡 麥 舟 取 麥 五 百 斛 舟 載 次 丹 陽 見 石

曼 卿 云 三 衣 在 淺 土 欲 葬 而 北 歸 無 可 與 謀 者 堯 夫 以

舉 方 滯 舟 陽 時 無 可 告 者 文 正 曰 何 麥 隴 田 麥 甫 詩 山

不 以 麥 舟 與 之 堯 夫 曰 已 付 之 矣 何 麥 隴 田 麥 甫 詩 山

如 篲 李 賀 詩 麥 隴 鋪 鐵 沈 小 麥 刺 水 鋪 綠 鐵 山 邊

老 農 望 麥 熟 出 門 見 水 放 聲 哭 去 年 冷 水 鋪 綠 鐵 山 邊

不 收 一 粒 穀 只 今 米 價 貴 如 玉 前 日 舉 家 饑 食 粥 小 兒

索 飯 門 前 啼 大 兒 雖 瘦 把 鉏 犁 晴 日 舉 家 饑 食 粥 小 兒

時 種 麥 耕 荒 隴 正 好 下 秧 無 稻 晴 日 舉 家 饑 食 粥 小 兒

兼 味 元 宴 春 秋 曰 衛 倫 過 子 言 及 於 味 稱 魏 故 侍 中 劉 子

牙 別 子 嘗 之 曰 麥 也 有 杏 李 三 果 之 難 倫 因 命 僕 取 糧 糗

以 進 之 倫 笑 而 不 荅 退 告 人 曰 士 安 之 識 過 劉 氏 吾 麥

杏 時 將 發 糗 以 杏 汁 李 奈 時 將 得 時 呂 氏 春 秋 曰 得

發 又 糗 以 李 奈 汁 故 兼 三 味 將 得 時 呂 氏 春 秋 曰 得

息 使 人 肌 澤 且 有 力 加 此 者 不 蚶 蚶 先 時 者 暑 雨 未 至

而 多 疾 箕 子 作 歌 費 禕 作 賦 不 食 新 矣 麥 俱 詳

有 中 毒 者 小 說 人 有 中 麥 毒 者 夢 紅 裳 娘 子 悲 歌 有

刈 麥 韻 貽 年 夙 昔 曰 聲 歌 今 見 郊 園 樂 事 多 且 喜 甌 婁

符 善 禱 未 須 蘆 葦 煎 蠶 妖 娥 霞 觴 正 自 誇 真 一 香 鉢 何 須

問 甲 羅 我 欲 賣 刀 未 學 三 種 八 熟 一 詳 麥 一 香 鉢 何 須

稼 不 知 還 許 受 康 麼 三 種 八 熟 一 詳 麥 一 香 鉢 何 須

五 穀 部 麥 五 料 監 貢 函 卷 三 百 九 五 麥 天

增詩唐鄭畋麥穗兩岐詩曰聖慮憂千畝嘉苗薦兩岐
如雲方表盛成穗忽標奇瑞露縱橫滴祥風左右吹謳
謠連上苑化日遍平陂史冊書堪重丹青畫更宜願依
連理樹俱作萬年枝 宋陸游種麥詩曰墾地播宿麥
飯牛臨野池未能貪佛日正恐失農時矻矻鋤耨力勤
勤祝史詞嘉年得三白吾飽豈無期 范成大刈麥行
曰菊花開時我種麥桃李花飛麥叢碧多病經旬不出
門東陂已作黃雲色腰鎌刈熟趁晴歸明早雨來麥帶
泥犁田待雨插晚稻朝出移秧夜食麩 又初四日東
郊觀麥苗詩曰去歲秋霖麥下遲臘殘一雪潤無泥相

將飽喫滹沱飯來聽林間快活啼 楊萬里詩曰無邊
綠錦織雲機全幅青羅作地衣此是農家真富貴雪花
銷盡麥苗肥

增制宋胡錡擬隴西郡開國侯來牟進封關內侯加食
邑實封制曰登實祈春已課兩岐之最薦名告夏爰疏
易地之封於皇孔碩之英貽我奏膚之美穀差吉旦稽
播猷言隴西郡開國侯來牟外叶坤黃內涵賁白載行
於野懷大君子之忠斯饗我農成先公風化之業將
其來食迄用康年滹沱對竈之時竟能濟業崆峒跨鞍
之頃遂底休師庸進績於農書復侑忱於寢廟來咨來

姑協在公助祭之恭實好實堅相尊祖配天之道爰易
隴西之舊壤聿陞關內之新畬於戲雨露肥饒之不齊
爾既勉修於人事山川土地之大啓朕其加錫於侯功
往服休恩勉圖後效

增表宋胡鑄代來牟謝表曰代食維好績愧乏於善收
往即乃封恩誤叨於登進自天錫命易地祇榮伏念臣
桑下枯葦丘中槁苗髮髮黃髮老風雪之彫殘激激素
心抱冰霜之潔白生樂國而無鼠苗之感歷元都而有
兔葵之思因問俗於關中輒借階於陛下爰進伸舒之
策勿令後時至形武帝之憂詔其益種欲使畝叟畛庶

之所皆有春登夏實之資地方慮於不齊意敢希於所
報詎期削木之質遽躋沃壤之區茲蓋恭遇皇帝陛下
德猶祥雲政如時雨五穀共衍藹永平膏沐之歡多黍
同登播元和天錫之頌課吏奏漁陽之最談兵却新鄭
之師以薦廟而勸相農民以問價而選掄使者肆令穉
植亦被播耰臣敢不小大懷忠艱難陳業誦原野南都
之盛已幸富饒歌宮室故國之虛尚祈警戒

原奏魏黃觀曰今年麥苗雖好臨熟多雨而悉復偃壞
小麥略盡惟穰麥大麥頗得半收耳

米一

五穀部

米

米

增說文曰米穀實也 **原**禮記曰獻米者操量鼓 **冒**

周禮曰春人掌米物祭祀供其壺盛之米賓客供其牢禮之米凡饗食共其食米掌凡米事 國語曰其歲收田一井出稷禾秉芻缶米不是過也 地理志曰揚州土貢黃稬米烏節米 水經曰會稽有射的山遠望狀若射侯故謂射的的之西石有空名之為射堂年登否常占射的以為貴賤之準的明則米賤的闇則米貴故諺云射的白斛米百射的元斛米千 孫卿子曰仁義禮智之於人也譬之若貨財米粟之於家也多有之者富少有之者貧至無者窮 樊傳續曰西域王舍城有

大人米大人米粳米也大如烏豆飯香百步惟此國有王及知法者豫焉

米二

原古史考曰神農時民食穀釋米加燒石上而食之

增呂氏春秋曰孔子窮於陳蔡之間藜藿不糝七日不嘗粒晝寐顏回索米得而求爨之幾熟孔子望見回攬其甑中而飯之選間食熟謁孔子而進食孔子起曰今者夢見先君食潔欲饋回曰不可嚮者煖煤入甑中回以為棄之則不可置之則不潔因攬而食之孔子歎曰人所信者目也而目猶可不信所恃者心也而心猶不

足恃弟子記之知人故不易 說苑曰子路負重道遠
不擇地而休家貧親老不擇祿而仕昔者由事二親之
時常食藜藿之實而為負米百里之外親沒之後南遊
於楚從車數乘積粟萬鍾累茵而坐列鼎而食願食藜
藿為親負米之時不可復得也枯魚銜索霜露不停賢
者欲養二親之壽如過隙草木欲長霜露不停賢者欲
養二親不待故曰家貧親老不擇祿而仕也 漢書
曰宣曲任氏其先為督道倉吏秦敗豪傑爭取金玉任
氏獨窖倉粟楚漢相距滎陽民不得耕種米石萬錢而
豪傑金玉盡歸任氏以此起富 又曰賈捐之云武帝

元狩六年太倉紅粟腐不可食 又曰東方朔云臣言
無可用罷之無令但索長安米 東觀漢記曰馬援勸
光武伐隗躡聚米為山川地勢上曰虜在吾目中矣
又曰第五倫性節儉作會稽郡雖為二千石臥布被自
養馬妻炊爨受俸祿常求赤米與小吏受等財留一月
俸餘皆賤糶與民飢羸者 後漢書曰獻帝時三輔大
旱帝避正殿請雨遣使者洗囚徒原輕繫是時穀一斗
五十萬豆麥一斛二十萬人相食啖白骨委積帝使御
史侯汶出太倉米豆為飢人作糜粥經日而死者無數
帝疑賑恤有虛乃親於御座前量試作糜乃知非實使

侍中劉艾出讓有司於是尚書令以下皆詣省閣奏收
侯汶考實詔曰未忍治汶於理可杖五十自是之後多
得全濟 九州春秋曰臧洪為青州刺史為袁紹所圍
糧食盡厨有米三升主簿啓進內稍以為糜粥洪歎曰
吾獨食此何味命使為薄粥與衆共歎之 世說曰郗
嘉賓餉釋道安米千斛道安荅直云損米愈覺有待之
為煩 語林曰陳壽將為國志謂丁梁州曰若可覓千
斛米見借當為尊公作佳傳丁不與米遂以無傳 增
宋書曰晉平王休祐素無才能強梁自用大明之世年
尚少未得自專至是貪淫好財色在荊州哀刻所在多

營財貨以短錢一百賦良民登就求白米一斛米粒皆
令徹白若有破折者悉刪簡不受民間糴此米一升一
百至時又不受米評米貴賤凡諸求利皆悉如此 南
史曰徐耕晉陵人也元嘉二十一年大旱人飢耕詣縣
陳辭以米千斛助官賑貸縣為言上當時議以耕比漢
卜式詔書褒美酌以縣令大明八年東土飢東海巖城
東莞王道益各以私穀五百餘斛助官賑恤 梁書曰
任昉為新安太守為政清省吏民便之卒於官惟有桃
花米二十斛無以為斂遺言不許將新安一物還都下
南史曰孔覲後為司徒左長史弟道存代覲為後軍

長史江夏內史時東土大旱都邑米貴一升將百錢道
存慮覲甚乏遣使載五百斛米餉之覲呼吏謂之曰我
在彼三載去官之日不辦有路糧今至彼未幾那能便
得此米耶可載還彼吏曰自古以來無有載米上水者
都下米貴乞於此貨之不聽吏乃載米而去後魏書
曰安同遼東胡人也太宗時同與長孫嵩並理人訟世
祖即位除青冀二州刺史同長子居典太倉事盜官粳
米數石以養同大怒奏求戮居自劾不能訓子請罪太
守嘉而恕之遂詔長給同粳米陳書曰徐孝克所生
母患欲粳米為粥不能常辦母後亡孝克遂常啖麥有

遺粳米者孝克對悲泣終身不復食焉唐書曰李峴
為京兆尹所在皆著聲績天寶十三載連雨六十餘日
宰臣楊國忠惡其不附已以雨災歸咎京兆尹乃為長
沙郡太守時京師米麥踊貴百姓謠言曰欲得米粟賤
無過李峴其為政得人心如此又曰張萬福為泗州
刺史魏州饑父子相賣餓死者接道福曰魏州吾鄉里
也安可不救令其兄子將米百車往餒於潞口求魏人
自賣者給車牛贖而遣之又曰陽城常約其二弟云
吾所得月俸汝可度吾家有幾口月食米當幾何買薪
菜鹽米凡用錢先具之其餘悉以付酒媪無留也未嘗

有所畜積 南楚新聞曰荆南孫儒之亂斗米四十千
持金寶換易纔得一合一撮謂之通腸米言飢人不可
食他物惟煎飲之可以稍通腸胃 杜陽編曰元和八
年大軫國貢紫米有類於苣藤炊之一升飯一斗食之
令人鬚髮鬚黑顏色不老久則後天而死 貽謀錄曰
李畬官監察御史得廩米母量之三斛而贏問故對曰
御史米不槩也問車傭幾何對曰御史不償也母怒敕
歸餘米償其傭 其不償也 兩災錄曰

米三

奴求

僮載

陽城嘗絕糧遣奴求米奴以米易酒醉臥於路城與弟迎之奴未醒乃負以歸

及覺痛咎謝城曰寒而飲亦何害焉 梁書曰張率嘗
酒不事於家務尤忘懷在新安遣家僮載米三千石還
吳宅及至耗一半率問其故答曰雀鼠耗笑而言曰壯哉雀鼠竟不研問 白粲 紅鮮 秋
成黑米精鑿諸白粲 紅鮮 雀鼠竟不研問 白粲 紅鮮 秋
吾慳又曰玉粒足成炊 紅鮮 雀鼠竟不研問 白粲 紅鮮 秋
鄰僧送 愈贈高使君詩曰乞米至今鄰僧送 乞米 助饋 餽
與乞食 杜如晦詩曰乞米至今鄰僧送 乞米 助饋 餽
指困 折腰 蕭家有困米各三千斛乃指一困與瑜
益知其奇也遂相親結僑札之分出本傳 南史隱逸
傳曰陶潛為彭澤令親結僑札之分出本傳 南史隱逸
潛歎曰吾不能為五斗米折腰向鄉里小 齋米空船
兒即日解印綬去職賦歸去來以遂其志 齋米空船
舉家食粥 吳全琮父柔為桂陽守使琮齋米數千斛
奇之 顏魯公求米於魯大夫 送米不須 餉米不
帖云拙於生事舉家食粥而已 米

五穀部

同監頌卷三九十五

米

三

煩世說曰王修齡貧乏陶胡奴為烏程令送米一船答

劉懷惠為齊郡守人有餉新米一斛者懷

惠出所食麥飯示之曰食有餘幸不煩此

行旅不齋梁沈約少貧于宗黨得米數百斛為宗人

貞觀初戶不及三百萬絹一匹賜粟一斗

至四年米斗三四錢人行數千里不費糧

送米鄰僧陳人妻鵠妻事親至孝家貧有故人至鵠

客後鵠舉孝廉為京兆刑曹鄰人犯事送鵠鵠欲重按

之妻遠而輕其罪京師皆稱其賢王安石送米於法

俗僧合有鄰僧來乞米我今送米乞鄰僧

增詩元吳師道送人貢粃米之上京詩曰后皇制任土

職貢來四方珍異匪余求服食乃其常金華有嘉種玉

粢會芬香土人昔肇端每歲賦其鄉頗聞播種初行者

避畎疆斂收畢徵納老稚不敢嘗擾擾府中集數日何

奔忙珠璣歷萬指錯落照九光圓好中式度緘封謹縑

囊矧今歲旱乾彌望茅葦荒野人懼不供挈瓶越林岡

及茲幸充數揚帆上天倉惟民秉恒性食芹猶不忘勤

動非所辭有司貴循良賢侯重承命護視嚴周防行行

不可遲去去凌風霜玉食儻見登仁恩沐浴洋願推及

物心共樂斯時康陳風以為贈別意何悠長

原啓齊王融謝賜米啓曰臣無王陽之術計然之智不

能負米百里分地一塵上虧温養自取飢切豈悟外恩

橫集天私妄委 梁簡文帝謝敕賚長生米啓曰堯禾
五尺未足稱珍漢麥九穗方斯非擬如隨瑞鹿若降神
鳥暮律向遊獻春方始食乃民天之貴粒有延齡之名
藉此資生因斯養性 庾肩吾謝東宮賚米啓曰滢水
鳴蟬香聞七里瓊山合穎租歸十縣肩吾人慙振藻徒
降雲間之松職濫便繁空撤家承之俸成珠委地事重
逢仙游玉爲糧珍踰入楚雖復激水滄流不待監河之
說春風埽地方誦文學之篇 又謝湘東王賚米啓曰
竊以月滿則虧恩來無爽海潮雖大萬江恒注遂使連
箱委地不殊陽翟盈倉接宇寧異海陵 周庾信謝趙

王賚米啓曰比陋巷簞瓢櫛風沐雨剝榆皮於秋塞掘
蟄燕於寒山仰費國租遂開塵甑非丹竈而流珠異荆
臺而炊玉東方朔之俸米旣息長飢西門豹之墾田方
慙此賚

嘗 誥宋胡錡擬米秫除祭酒誥曰唐得祭酒生徒皆喜
謂不寂寞矣蓋橋門冠帶之地必資醉經鉅賢而爲之
長以爾學殖素醇詞英早粲粵自脫穎而來詩曰或春
或揄或籟或蹂其所踐揚亦旣藜矣頃登米廩教思董
陶士君子已有成周旣醉之行今擢表成均維其令儀
以式我賓饌使酌道味德者皆沈浸乎釀郁則將用汝

作醴生惟欽哉

增表宋胡綺代米秣謝表曰任閭師之耕農功舉實進司成之長賓饌增華揆量逾涯懷榮躋地伏念臣素無學殖徒有仁根后稷教藝以來芳聯南畝陶潛賦歸而後穎露西疇在前深媿於糝糠若作尚資於麩蘖忽從米廩叨佩水蒼清為聖人中俾樂道涯之泳醉有君子行使沾德海之流自非沐漢化之鴻醇何以式周芻之燕濟茲蓋伏遇皇帝陛下氣薰嘉協瑞格和平當豐年高廩之秋畀烝為醴闡七月公堂之教獻享稱觥將溥陶民俗於溫溫迺首觀儒風於渾渾肆令淺薄亦被涵

濡臣敢不泐戒非彝禮嚴有旨招諸生而浸釀郁盡明立館之規造三代而樂優游共適舞雩之趣

稗

增正字通曰稗苗葉似稂子有水稗旱稗二種 六書故曰稗葉純似稻節間無毛實似蕒害稼 汜勝之書曰稗既堪水旱種無不熟之時宜種之以備凶年稗中有米擣取米炊食之不減粟米又可釀作酒 釋典寶積經曰僧之無行者如麥田生稗子

蕒苡一

增正字通曰蕒苡生平澤田野莖高三四尺葉似芑黍

苗故又名芭實 救荒本草曰薏苡名回回米又呼西
番蜀秫俗名草珠 後漢書曰馬援在交趾常餽薏苡
實用能輕身省慾以勝瘴氣南方薏苡實大援欲以為
種軍還載之一車及卒後有譖之者以為前所載皆明
珠文犀

薏苡二

詩宋蘇軾詠薏苡詩曰伏波飯飯薏苡禦瘴傳神良能
除五溪毒不救讒言傷讒言風雨過瘴厲久亦亡兩俱
不足治但愛草木長草木各有宜珍產駢南荒絳囊懸
荔枝雪粉剖桃榔不謂蓬荻姿中有藥與糧春為芡珠

圓炊作菰米香子美拾橡栗黃精誑空腸今吾獨何者
玉粒照座光 陸游薏苡詩曰初遊唐安飯薏米炊成
不減雕胡美大如芡實白如玉滑欲流匙香滿屋腹腴
項鬻不入盤况復殮酪誇甘酸東歸思之未易得每以
問人人不識嗚呼奇材從古棄草菅君試求之籬落間

糠

糠 糠在前 舐糠及米 世說曰王文度范滂期俱為

年小高位大將前更相推在前既移久王遂在范後王
因謂曰發之揚之糠糲在前范曰洮之汰之沙礫在後
史記曰吳中大將應高 排糠障風 積糠成山 潛
論云不命大將以計叛羌州郡與兵若排糠障風淘沙
雍河 交州記云合浦海口有糠頭山傳云越王春米

於此積
糠而肥
食糠而肥
然糠自照
晉書云王戎子萬有
美名而大肥戎令食
歡貧無以受業夕則
顧歡少居鄉中有學舍
然糠自照

拾掇

原並歌
拾遺穗於故畦並歌並進
待自資
自資後漢朝議
跪把
晉庾亮字

獲者已舉而尚多
引羣子退曰待
自資
後漢朝議

侍御史乃通
禁網遂推
應車據拾
自資於
伊利
詩伊寡
之利

斂材
周禮一曰斂
獲穰
詩彼有
拾芥
地芥
斂穡

不斂穡
有遺秉
有遺秉
滯穗
有帶穗
俯有拾仰有

儲蓄

取書
分夷險序長幼
險序長幼推易居難
禮無違者

原斂薪葛

周禮地官委人掌斂野之賦斂薪葛凡疏材
木材凡蓄聚之物注疏材草木有實者也

蓄聚物

詳九年之蓄
王制國無九年之蓄曰急無三年之蓄曰不足

蓄曰國非
三年之食
又曰三年耕必有一年之蓄以一年之食九年

其國也
無菜色然後天子食
日舉以樂
務蓄
月令務
務納

又曰無
紓積聚
管機
注編積斂不分災也
聚禾粟

禾粟而陳其心乎聚
公私之積
賈誼曰漢幾三十歲
保聚
敢保聚

聚斂之臣
委積
地官委人掌軍旅
保聚
敢保聚

謹蓋藏
行積聚無有不斂
實倉廩
知禮節

乃積乃倉
于橐于囊

